

Brackley.

PEDANTIVS.

Comœdia,  
Olim CANTABRIG.

Acta in  
COLL. TRIN.

Nunquam antehac  
Typis evulgata.

LONDINI.

Excudebat W. S. Impen-  
sis Roberti Mylbourn in  
Cœmeterio Paulino  
ad Insigne Canis  
Leporarij.  
1631.

Dromodotus.





Pedantius.



## Pedantius de Se.

- Indignatio. *Scilicet haud solus dominabitur IGNORAM*
- Battismus. *Roscius alter ero: sed eram quosque Roscius*
- Chronographia. *Ante quater decus vixi PEDANTIVS annos,*
- Paranomasia. *Vixi, & Cantabrico dixi plaudente theatro.*
- Confessio. *Iam mihi (nam lepida & adhuc ludibria Musi*
- Paranomasia. *Debeo) pressa typis pro scenâ scheda paratur:*
- Apostrophe. *Prodeo: Lectorem pro Spectatore saluto.*
- Comparatio. *Maiorine est nostra Verborum Copia lingua.*
- Metaphora. *Quin & barbarico Dromodotus turbine si non*
- Mimesis. *Aquet, at in punctis formalibus anteit Istum*
- Comparatio. *Lydia nostra quidem Rosabellâ est pulchrior: &*
- Decorum. *Præceptore suam novus Ignoramus amicam*
- Rythmus. *Suaviter affari, & versu roboante procari,*
- PolySyndeton. *Et falli, & ludi, & protrudi in teria discit.*
- Aureum. *Lex Pedantiam decernit Scenica laurum.*

## Idem explicans, & applicans.

- Paranomasia. *Dum ludor, non ludo graves, non ludo Scholare*
- Synathroisimus. *Quales, quot, quantos habet Insula nostra: sed, usque*
- Aporia. *Si fuerint, vanos, nasutos Grammaticastros,*
- Compositio. *Blennos, floccilegas, phrasimimos, quisquili ven*
- Ingeminatio. *Si quis erit, si quis, (non fallit Regula) mecum*
- Appositio. *In numero, genere & casu ponetur eodem.*



# PEDANTIVS. COMOEDIA

Acta Cantabrigiæ in COLL.  
TRIN.

## PERSONÆ.

Crobolus. Amator.	{	Tyrophagus.	
Pogglostus Servus Croboli.		Parasitus.	
Dromodotus. Philosophus.		Tuscidilla. Hospes.	
Pedantius. Pædagogus,		Lydia. Virgo.	
Ludio.		Gilbertus.	
Bletus.	{	Mercator	
Parillus		pannarius.	
		{	

Pueri discipuli.

## ARGUMENTVM.

“ **L**ydiam virginem, Charondæ senis  
 “ **L**ancillam amabat Chremuli o-  
 “ **l**im servus Crobolus : quam eandem  
 “ **s**ibi petijt Pædagogus Pedantius.  
 “ **L**ydia, spreto Pedantio, Crobili  
 “ **c**apitur amore. Ast serua cum esset,  
 B “ **C**harondæ



“ Charondæ Lydia, *minasille*, Virgi-  
 “ *nem ut faciat liberam, poscit triginta*  
 “ Crobolus *astutijs suis suorumque*  
 “ *fecit, nummos ut daret Pedantius,*  
 “ *ipse Lydiam acciperet.*

---

### *Actus. I. Scena. I.*

CROBOLVS.

POGGLOSTVS.



Ominem nihili, inertem, in-  
 docilē, pessimē moratū Ca-  
 codæmones omnes maiores  
 tui lacerent, insulsissime.  
 Quousque te ut puerulum aliquem  
 præceptis institutam? Nihil proprio  
 potes Marte?

*Pog.* Tu omnia potes videlicet. Vis  
 experiri Martem meum?

*Cro.* Ego istum ineptum, quem  
 videtis in plateis modò errabundum  
 & vagum, hominis misertus, miseri  
 servuli in locum accepi, ut esset, qui  
 tergum fortiter tueretur meum, mihiq;  
 (dum

(dum ego Lydiæ me meæ ostento magnificentius) parasitus esset: Sed ita meherclè rudis est, ut bubulis potius & porcarijs heris conueniat quàm generoso & urbanis imbuto morib<sup>9</sup> Crobulo. Aspicite gestū ferocem calcitronis. Hè, Pogglotte, quis te docuit tam pulchrè humeros vibrare, natesque?

*Pog.* Quid tibi rei est cum meis natibus, obsecro?

*Cro.* Faciam, ut nutus observes meos improbe. Vbi cultus hero debitus? Cur non aperto capite, flexo poplite, expansis manibus, vultu amabili, motu agili, blandulis assentatiunculis mihi es obsequens? Hæc ego tibi quotiès inculcabo stupidissime? ferreum qui habes cerebrum, cui nullum imprimi potest præceptum, quo te decentur geras?

*Pog.* Here, frigent nunc dierum præcepta, exemplis erudimur omnes aptius. Quare tu paulisper docendi causâ seruum te simules; sic ego tuos ediscam gestus, vultus, mores, verba fœlicissimè.

*Cro.* Tandem sentio sapere te, Poggloste; Istoc enim pacto poteris vel alter Ego effici: Tu pallium, & pileum accipe: mihi telum cedo: animadvertè iam.

*Pog.* Servum pol probum; sed assentatiunculas expecto.

*Cro.* Sic ergò dicas, oportet, ô *charum caput Croboli*, dignumque quod in Veneris recumbat gremio: ô perdulce pectus, omnium Syrenarum sedem, ventrem verò dignissimum ambrosia, nectare, Deorum cibus saturandum, brachia lacertosa, quibus turres sapè revulsæ sunt radicibus, pedes autem ipsis puellarum labijs suaviores: hoc verbo provolvi debes humillimè, pedesque meos oscularier.

*Pog.* Ostende(quæso) quo modo: meos suaviari prius te volo. Siccine officium negligis pessime? facito actutum.

*Cro.* Falleris, Poggloste, dominum te videri volui, non esse.

*Pog.* At mihi non placet hypocrisis. Quare ego Crobolus sum reuera, iamq; Lydiam



Lydiam ambibo amatoriè: tu Poggloste vide vt meum *Hoc* fecteris accuratè, vt vestigijs semper infistas meis: pallium, pileum, calcei, caligæ, vide vt tersæ mundæque sint: laudis nostræ buccinator sis, pendeas ex nutu, in verba iures, mandata celeritèr exequare, ista si feceris, ero tibi patronus pater: sin omiseris, ecce brachium lacertosum habeo.

*Cro.* Edepol, Poggloste, Dominum agis imperiosè satis, experire nunc quomodò servire possis denuò.

*Pog.* Tun' seruus tam confidentèr herum irritas? At familiarem esse oportet Poggloste. Quæso tege caput, nihil est quòd ità submissè te geras: ego sodalis sum tuus: sequere me ocyus.

*Cro.* Siccine verbero? ensis iste dirimet litem omnem: Viden' hoc sceptrũ? Redde regnum, si sapis, tuque subditus denuò fias.

*Pog.* Fiat, fiat, ægrè ferrem virum me splendidum rubiginoso perire gladio: vt tibi prosim ere, nullam cru-

cem aut restim reformidabo.

*Cro.* Ego verò iam id reformido, me dum huic seruire docui, interim ob istoc pallium hoc meum plures mihi, quam velim, apportet seruulos, quos cum tenuitas hæc nostra alere nequeat, excutio lubens. Ad te iam redeo: pares itaque deinceps te mihi vt in omnibus promptè possis supparasitarier.

*Pog.* Verum istoc est verbum here: Nàm ego, dum te sequor, esurio vel parasito magis.

*Cro.* Imò, furcifer, vel parasito voracior es; Non egote dudum huc vsq; expleui cibis? & hinc esuris tam citò? Si exercitum alere possem meis sumptibus, charybdim illam saturare tuam nequirem tamèn: si montes panis atri apponerem in mensa tibi, facilè illos totos vel altissimos in illam hiantem voraginem conijceres: at verò benè conditiuris Oceanum absorberes: statim portando Solem ipsum superas, qui ebibendo humidum, ficcatur omnia.

*Pog.* Iam, in redintegrata gratia  
testi-

testimonium, tu me complectere, dum ego te deosculor.

*Cro.* Deosculeris, sordide, tu me, sterquilinum, chaos, cloaca? Vah.

*Pog.* Vis ut te honorificè, supplex, prostratus, ut Iouem venerer meum?

*Cro.* Sum ego tibi iuuans pater.

*Pog.* Iuuans, pater fortasè haud quaquàm: nam ex stirpe sat scio oriundus sum nobili, genitor quicumque fuit: Etenim veste sub lacera latet generosum quiddam, imperio dignum: Tu me ad pedes abiectionum tuos postulas? Respondeo, primum, *Nescit seruire virtus*: postremò nos aulici abiectionis istam ineptam consuetudinem honorandi superiores, imò ne pares quidem agnoscimus.

*Cro.* Quid ergò? num me tibi fatebere præponendum esse?

*Pog.* Vix possum cò altos spiritus demittere: sed tamèn tuam in gratiam simulabo hoc. Nam certè plurimi te facio.

*Cro.* Tu me etiàm ferre debes



interdum tonantem voce terribili.

*Pog.* At si me audies, cohibebis iracundiam.

*Cro.* Praterèa, si aliquandò verbis sonantibus verbera quoque perpauca (maiestatis maioris causâ) addidero, æqui bonique consulas oportet, *Pog.* gloste.

*Pog.* Hæc, inest mihi naturalis quædam imbecillitas, quæ duorum pondus pugnorum perferre profectò non potest.

*Cro.* Sed summa omnium est & quidèmsumma summarum, ut fidus sis.

*Pog.* Sum, idque tibi mea fide præsto, retiquere ipublicæ. Mihi olim porticus templi nostri erat pro incunabulis: ibi enim expositum me mater mea reliquit, aufugitque: ex quo sacer, totus, totus; quantus, quantus fui illicò.

*Cro.* At metuo malè, furcifer, ne fugitivus sis.

*Pog.* Id verò iam antea denuntiò, detineri me ne vnum in diem posse, in cibo & potione vincias: Apud mensam plenam

plenam rostrum hoc deliges, sicque  
vinclis constrictum cibarijs, vel cap-  
tivum habe.

*Cro.* Introito iam nunc igitur, hos-  
pitem hanc nostram iube, vt benè lau-  
tam instruat hac nocte mensam nobis :  
Lydiamque meam invitet & occultè ad  
se traducat, sumptus faciat liberaliter,  
meoque affigat omnia nomini.

*Pog.* Vel meo etiàm, si placet, nàm  
non multum interest.

*Cro.* Accelera.

*Pog.* Ego huc & illuc vortar, quo  
imperabis.

---

## *Actus I. Scena 2.*

*CROBOLVS. DROMDOTVS.*

**E**nimverò Crob : magna moliris :  
scilicet vxorem ducere, parvulam  
urbem hanc augere ciuibus vtilissimis  
liberis tuis : servulos & familiam alere :  
tùm etiàm gerere magistratum in  
repub. Primò cauponariam artem pro-

B 5

fitabor :

fitebor : nam Lydia cibos condire nouit  
 lautissimè. Ego accipiam conuiuas hu-  
 manissimè : efficiam vt ædes meas ge-  
 nerosi frequentent. Filias si ferat mihi  
 pulchellas Lydia mea ( & feret semper  
 necessariò, quod ego volo ) istas elocabo  
 callidè : vitam traducam omnibus lepidè  
 lautitijs, esculentis, poculentis ventrem  
 beabo meum : chartis piëtis, globulis  
 ludam assiduè, interdum (severiorum  
 bonâ pace vixerim) & aleâ : post hæc  
 cum cognita satis virtus nostra fuerit,  
 multis petitis & adeptis honoribus,  
 nunquàm desistâ donec mihi & hæredi-  
 bus de corpore meo legitimè procreatis  
*Baronis* titulum aut *Comitis* compara-  
 uero. Sed quis hic, qui tam odiosè iam  
 interuenit mihi tam iucunda meditati?  
 Quid ita cœlum, terram attonitus intu-  
 etur? Oh, noui hominem.

*Dro. Zenith.*

*Cro.* Riualis mei Ped : familiaris est  
*Dromedotus philosophus.*

*Dro. Nadir.*

*Cro.* Vel frater potius germanus.

*Dro.*



*Dro. Horizon.*

*Cro.* Nàm certè hos vtrosq; eadem dedit orbi Moria mater.

*Dro. Ursa maior.*

*Cro.* Quos ego ambos hodiè dolis doctis meis docebo quanti sit sapere.

*Dro.* Κόσμος, μακρόκοσμος, τὸ πᾶν *Uniuersum.* Hoc omne, quod hic iam vndique nerui mei optici ope video (& video certè *intromittendo species, non extramittendo radios*) templum est summi *Iouis*, in quo tria veniant potissimum considerata. Primò, corpus simplex, sphaericum, perpetuò mobile quod vocamus *Calum*. Secundò, hoc centrum mundi, circa quod rotatur circumferentia globi stelliferi, dictum *Terra*. Tertium, subterraneū quoddam concavum, in quo quasi in specu habitant isti *Dæmones*: quanquàm scio non posse probari ex Aristotele ullos esse diabolos. At occuritur, Aristotelem non vidisse verum in spiritualibus. Sed ego rem ipsam acu attingam hoc modo: Sunt *Antipodes*, Ergò dæmones

mones, nàm isti Diaboli etiàm vestigia figunt nobis contradictoria : Et sanè quicquid est habet sibi contrarium (nimirùm qualitatum respectu, non substantiæ, cui nihil contrariatur) siquidèm hic omnis sensibilis mundus regitur lre & amore. Hic quoniàm mentionem fecimus amoris, dicenda etiàm pauca sunt de amore mei Pedantij. Nàm sicut elementares qualitates amore mediante commiscentur, ità vicissim ille & ego nos duo amicitia conglutinamur.

*Cro.* Sicut pus & pituita sunt eiusdem generis, sic tu & ille, vos duo, estis sodales.

*Dro.* Et sicut doleret aliquis, si equum suum vetulum ægrotare videret, eodem prorsus modo ego iam contristor, quòd amicum meum veterem audio amare. Nàm sicut ægrotatio efficiens est mortis in corpore, sic amor efficit quoddam quasi deliquium animæ rationalis. Sed sicut sapientis est ægrotanti caballo suò potionem dare: haud secus meum, est amico amatorijs  
torini-

torminibus torto consilij mei vngentum porrigere. Quia sicut cerebrum datum est à natura ad refrigerandum calorem cordis: similiter nos cerebrosi philosophi viscerales istas inflammationes amicorum nostrorum, superfundendo liquorem sapientiæ, rarificamus paulatim & debellamus. Sed sicut nihil iuvat habere pharmacum, nisi applicetur ægroto, ita nec prodesse possum Pedantio, nisi fruatur ille consortio meo. Idcirco, sicut expansus iste aër, ad seruandam continuitatem rerum in concavitatibus locorū, & ad destructionem vacui extenditur, & extenuatur cum elongatione essentiæ suæ: haud aliter ego, vt à cerebro amici mei vacuum siue vacuitatem amatoriam impletionem solidissimi mei consilij fugarem, huc iam progressus sum, & tanquam elongatus super hoc superficie trium miliarium, quo spatio continentur tria millia passuum geometricorum. Perge itaque, anima mea, (quæ principium motus es) corpus hoc organicum moue ocyus.

*Cro.*

*Cro.* Ego verò possum corijs bubulis corpus tibi commouere iam animalitèr satis & organicè.

*Dro.* Sed eccum percommodè quem percontari possem, heus adolescens, quæso nūquid vidisti hic vique am virum bonum, generosum, & in summo gradu literatum Magistrum Pedantium?

*Cro.* Ludimagistrum videlicet dicis: Generosum enim huius nominis noui neminem.

*Dro.* Sic est, vulgus hominum ex genere & nummis generosum deputat, non ex virtute & arte; cum tamèn istæ primariæ sunt & essentiales, imò radicales & fundamentales effectrices veræ nobilitatis. Sed tu fortasse *sentis ut sapiens, loqueris autèm ut vulgus.*

*Cor.* Ego vero loquor ut sentio; Nunc enim eò res redijt, ut qui declinationes Nominum, aut Accusatiui cum verbo congruentiam nòrunt, statim nobiles sibi sumant titulos; at ego nec Philosophos hos (qui de omni scibili superbi



superbè disputant) Generosos dicam,  
licèt se reges esse glorientur.

*Dro.* Homo videris macilenti &  
egeni ingenij; Dicitō, vnquamnè le-  
gisti Platonem? Beatam esse ille dicit  
remp. in quā aut rex est philosophus,  
aut philosophus rex: Vbi videre possis,  
*Philosophum & Regem esse voces con-  
uertibiles.* Sed intellectus ille tuus, siuè  
mens, ratio, indoles, indocilis est, nec  
percipit ista Doctrinalia: te colloca-  
mus ergò inter oues & boues, & pecora  
campi: & *Scientia non habet inimicum  
prater ignorantem.*

*Cra.* Quæso, & quos habet amicos  
prater vos paucos literatos? Quis vel  
obolo æstimat fanaticum, famelicum,  
fætulentum Philosophum?

*Dro.* Sicut auriga equum flagello,  
sic ego te ingenio meo percutiam.  
Vnico tecum agem argumento, *Socrati-  
co more.*

Quid censes? nonne vestes tuæ vilio-  
res sunt corpore tuo?

*Cro.* Sunt. Sed quid indè?

*Dro.*

*Dro.* Nonne corpus tuum præstantius est vestibus?

*Cro.* Idem per idem.

*Dro.* Nonne animus dignior pars est hominis?

*Cro.* Quorsum hæc?

*Dro.* Nonne bona animi meliora quàm externa?

*Cro.* Progredere.

*Dro.* Nonne, quod est melius, id est nobilius?

*Cro.* Do id tibi.

*Dro.* Et animi bona meliora quàm corporis?

*Cro.* Procul dubio.

*Dro.* Et qui animi possident bona, meliores ijs, qui externa?

*Cro.* Conclude.

*Dro.* Huc ergò demùm deventum est, Philosophos cæteris nobiliores.

*Cro.* Falsissimum.

*Dro.* Tibi nullus est sensus communis, negas conclusionem?

*Cro.* Tibi nullus est sensus proprius, concludis quod non probasti?

*Dro.*

*Dro.* Oh! opinaris fortasse nos philosophos non præstare cæteris quantum ad animum? Probabo, si negaueris; Ego sum paratus ad omnia.

*Cro.* Ego quidem genus hoc hominum speculativum pessimum, sordidum, ineptissimum, arrogantissimum existimo.

*Dro.* Iam conuitiatorem agis, & es impudens.

*Cro.* Idem est ac si philosophum dicas, cum conuitiatorem appellas.

*Dro.* Et si irasci non possum, quia philosophus, commoueor tamen.

*Cro.* Etiam vel furere philosophum, non est motus contra naturam.

*Dro.* Quantum hoc maior est culice, tantum anteit philosophus plebeium. Nos ad vos sumus quasi calidum in quarto gradu. Sed tu negabis fortasse nos scire plura, sic vno absurdo dato infinita sequuntur.

*Cro.* Ergo qui vnum habet absurdum, habet omnia absurda.

*Dro.* Tu colligis ex absurdo, quem  
ego

ego iure absurditatem ipsam appello in Abstracto : Concreta enim puta absurdus, iniustus, indoctus, & talia contemnantur hodie.

*Cro.* Tu verò & absurditate es absurdior.

*Dro.* Citiùs ego *Transcendens* inter *Prædicamenta* collocarem, quàm hoc insensile animal argumenta percipere facerem.

*Cro.* Tu qui generosus, qui nobilis, qui rex es, me, obsecro, ad canam voca.

*Dro.* *Saturnus* meus ventrem in tuum *Vacuum* mittat perpetuum.

*Cro.* *Vacuum* illud dicis philosophice, quòd cum nusquam esse disputas, in tuo tamèn est cerebro; cui si omnes similes sunt philosophi. sunt quidè.n animalia omnium stolidissima.

*Dro.* *Contra negantem principia non est disputandum.*

*Cro.* Ah, mane obsecro, iàm denuò agnosco celsitudinem tuam.

*Dro.* Tu non es idoneus auditor moralis philosophiæ.

*Cro.*



*Cro.* Actor ego, non auditor sum, vos  
semper auditis, nunquàm agitis. Sed  
quem ego conspicio? Habe iàm tibi  
Pedantium tuum: nolo me videat.

*Dro.* Te verò imaginatio, siue phan-  
tasia turbet melancholica perpetuò:  
qui umbras rerum, non *identitates* &  
*hæcceitates* ipsas vides. Sed nunc iste  
quid agat, paulisper hîc obseruabo.

## *Actus primi Scena*

Tertia.

PEDANTIUS.

DROMIDOTTUS.

**V**ideo (Patres conscripti) in me  
omnium vestrûm ora & oculos  
esse conuersos: & credo ego vos mirari  
Iudices, quid sit, quòd cùm tot summi  
oratores hominesque nobilissimi sede-  
ant, id est, non ament (sic enim interdum  
sedere sumitur, vndè sedatio animi) ego  
potissimùm ad amandum surrexerim:  
quid ergo? audacissimus ego ex omnib?  
Si

Si quis hoc verbo dixerit, satis erit verbo negare. At officiosior in amoribus, quàm cœteri? Utinam quidè non essem istius laudis ità cupidus, ut alijs eam præreptam velim. Quæ res igitur me præter cœteros istuc demùm impulit? vnico verbo expediam—*Omnia vincit amor; & nos cedamus amori.* Amor tanquàm milvus rapax, me tuum (ô *Pallas*) pullum abripit iam nunc è sapientix nido: Vnde sicut *terra teritur pedibus* (indè enim dicitur), sic animus meus conculcatur curis; Ego, ego inquã, qui Leonidæ mei olîm amoribus opposui me velut murum aheneum, nunc figor & perfodior ipse ferro flammisque concupiscentiæ: qui diebus illis interroganti ter quid esset rerum omnium præstantissimum, respondissem etiã ter *Pronuntiatio*, *pron: pron*: idem nunc quærentj similiter dicerem *Lydia, Lyd: Lyd: Sic, Tempora mutantur, & nos mutamur in illis.* Quare, Pedanti, cùm id non possis, quod velis, quod est incumbere literis, velis id quod possis, quod est amare *Lydiam.* *Dro.*

*Dro.* Irrationalis animæ pars vici-  
tiam rationalem, vnde verissimum esse  
constat axioma quoddam Logicum,  
maiolem esse vim in negatione, quàm  
in affirmatione. Sed quid cesso com-  
pellare hominem? *Pedanti*, *Opto tibi*  
*mentem sanam in corpore sano.*

*Ped.* *Dromodote*, *Sis bonus ô felixq;*  
*tuis*, sicut sapiens dixit poëta. Vt va-  
lent sodalis nostri Academici? numquid  
adhuc convenit inter vos & oppidanos?  
Cogitabam iàm dudum ipse vos invisc-  
re, & quosdam in Scholis Rhetoricis  
recitare Declamationes meas, quæ  
nempe, vt *Demostheni*, *lucernam o-*  
*lent.*

*Dro.* Mallem olerent lucernam,  
quam barbulæ tuæ vnguenta.

*Ped.* Composui, congeffi, consarci-  
navi tres plusquam *Philippicas*, aut  
*Catilinarias* contra barbaram gentem  
quid dixi? gentem? certè verò potius  
armentum Oppidanorum istorum hosti-  
um Musarum; qui tamen vivunt, imo  
in forum veniunt, idque non ad depo-  
nendam,

nendam, sed confirmandam audaciam.

*Dro.* Hæc sunt extra causam Pedantie rumor est amare.

*Ped.* *Fama, malū quo non aliud velocius ullum.* Fama, comma, (malum & parenthesis.) Amare vero ridiculum: quod ego refutabo vel solâ hac fronte philosophicâ.

*Dro.* Philosophicâ? imò sophisticâ, cum mihi tam fallaciter & æquiucè respondeas: Vidit me ideo venisse, ut starem contra viam suam, et militarem adversus quascunque conclusiones responsivas eius, & iam itaque non audet prodire ex antro dissimulationis, ne forte boreali vento vocis meæ confundatur, & redigatur in minimum naturale dabile.

*Ped.* Eloquar, an fileam? Sed cur in re momenti minimi Dilemmate vtor non necessariò? Auge, audi nunciam, *Dromidote*, tibi (cum anxicus sit alter idem) rem omnem non minùs, quàm mihi met committam lubens. *Vror, habes animi nuncia verba me.* Ut est apud Ovidium, qui



ciam. qui vixit temporibus Augusti.

lanti: *Dro.* At ego adduxi iam huc mecum  
in hoc scrinio cerebelli mei maximam  
velo- massam materiae refutatoriae, ad atte-  
n &c nuandam & frigefaciendam in te hanc  
uin: enormem ebullitionem corporeae cu-  
onte piditatis. Non est Amor tuus (vt spero)  
malum immedicabile, quod dicit *A-*  
lica, *ristoteles* de Avaritia.

uocè *Ped.* Mihi nec verbis nec herbis po-  
, vt tis prodesse, me iuvabit non medicus  
rem sed *medica*, licet enim interdum novare  
re- verba.

idet *Dro.* Primò, quoniam (vt habetur in  
ne in *paruo Logicali*) inquirendum est  
un- quid sit res, antequàm contra Amorem  
tu- disputo, quærendum est, Amor quid  
sit.

re *Ped.* Imò, antequàm disputamus,  
on *Disputatio quid est?*

o- *Dro.* Secundò, incommoda, postremò,  
n) remedia narranda sunt. De his tribus  
et hoc tempore pauca audies.

mi *Ped.* Omninò hic nescit rhetoricari.  
m, Ego dixissem ista declamatoriè mirum  
ui in

in modum, *Qua tria (Indices) cūm  
dixero, perorabo.*

*Dro.* Quod ad *Quid sit* attinet, certum est nullam perfectam eius dari posse definitionem, propter paucitatem verarum differentiarum itaque descriptione contenti sumus.

*Ped.* Sane vera Differentia est *Rara avis in terris, nigroque simillima cygno.*

*Dro.* Est igitur Amor communissimè sumptus (definitore Platone) appetentia pulchritudinis causata per concupiscentiam carnalem, volens fruitionem voliti. Iam hanc descriptionem sic *integraliter* à me positam analyticè resolvamus in suas partes. Appetentia hīc ponitur loco generis : nam quemadmodum apud physicos materia expetit formam, sic apud homines, qui cōsistunt ex materiâ & formâ, mas materiatus cupit ex animo fœminam formosam : pulchritudo autem est ex coloribus albi & rubicundi, iuxta temperationem proveniens, qualitas sensibilis sensui passionis incutiens. Sensus sunt quinque; *Gustus, Olfactus*

*Olfactus, Auditus, Visio, Tactus* : pulchritudo visus est obiectū : videmus autem ( quod diligenter animadvertas velim ) oculis , & oculi fascinati radijs formæ intromittunt speciem pulchritudinis in phantasiam : phantasia provocat desiderium, desiderium, tanquàm canis rabidus , lacerat mentem morfu amoris: ita pulchritudo, quæ erat in vultu virginis, pervenit tandem procedendo naturali quadam tendentiâ ad ipsum amatoris cor, ( in quo est sedes animi secundum Arist. ) & è converso ipsa cor viri transire cupit in corpus virginis.

*Ped.* Quid tibi cum *Transitionibus*, quæ quidem figuræ sunt Rhetoricæ ?

*Dro.* Istæ Transitiones physicæ agunt per modum illuminationis , & feruntur per radios rectos primò *archipodialiter*, deinde *vicissim reflexivè*.

*Ped.* Quæ dixisti hætenus ( etsi non fuerunt optima ) tamèn meliora quàm quæ deterrima. Ego elegantissimè definirem amorem ex Terentio: esse nimirum

20 *Peccantius.*  
iūm ignem feminini generis. Sic enim  
ille, *Accede ad ignem hanc.* Satin' hoc  
ex sententiā?

*Dro.* Ego vero retorqueo hoc Argu-  
mentum tuum sic, Amor est ignis. Ergo  
cauendum est ab eo tanquā a *Scorpio-*  
*ne* aut *Cane cælesti*, qui in diebus Cani-  
cularibus calore suo nocivo plus mor-  
det quam ullus *Canis latrabilis*.

*Ped.* Imo quemadmodum qui sunt  
à Scorpijs icti, vel *Scorpionibus* (nam  
huius nominis variæ sunt declinationes)  
solent ab iisdem remedium petere: ita  
ego amoris percussus cuspide, amando  
me sanabo. *Una eademque manus vul-*  
*nus opemque feret.*

*Dro.* Itane? Attende igitur iam in-  
commoda amoris: quot sunt in decem  
Predicamentis diuersa Individua diuer-  
sarum specierū; quot apud omnes *Tho-*  
*mistas* & *Scotistas* Oppositiones, Res-  
ponsiones, Distinctiones; quot habuit  
utquā voces *prima intentionis*, aut *se-*  
*cunda intentionis* sancta Antiquitas;  
quot in te & me verba Latina sunt: tot  
erunt



erunt tibi in amoribus miseræ: Ad cuius rej evidentiam sic procedimus. Ratio quæ est auriga animi, Affectionum calcibus conculcabitur, libidinis furor maior erit quàm raptus ipsius primi mobilis; tunc scemina erit prædominans qualitas, quæ si fortè virago fuerit, (quod est penè vniuersale & dicitur de omnibus) tùm est tanquam torrida zona, & prorsus inhabitalis: videbis etiam sic tristari istos amatores, quasi iàm adesset *Dissolutio huius continui*. Ad hæc amatores isti negotia nulla curant, cùm tamen studium sit & nutritiva & augmentativa vis cerebri; Postremò, qui captus amore est, non solum est oculis captus, sed etiàm *respectu veri vivere*, in totum est mortuus.

*Ped.* Ego verò vt mortuus sim? Nunquàm id fatebor, *dum viuam*. Sic obijcio. Vides? Motus non conuenit mortuis.

*Dro.* Arguitur è contra sic, *Amator* *viuit in corpore Amate*, at vbi viuit ibi est eius anima; & vbi eius anima, ibi

operatur; & si operatur in alterius corpore, non operatur in suo; si non operatur in suo, non vivit in suo; si non vivit in suo, non est in suo; si non est in suo, corpus est mortuum. Tu es huiusmodi. Ergo.

*Ped.* Agis mecum sophisticè in *Labyrintho*, in *Minotauri* speluncâ. Ego pro *Ariadnes* filo vtor prudentiâ meâ, quâ extricante constantèr dico, *Ego scio me vivere.*

*Dro.* Non urgebote: Revera est æquivocatio in nomine *Mortui*: Nam non est mortuus extrinsecus & secundum animam vegetativam, vel sensitivam; sed intrinsecus secundum animam rationalem & intellectualem, quæ in se iam non cogitat, quia de se non cogitat.

*Ped.* Non est dignum repetitione; nedum responsione nostrâ quod obijcis.

*Dro.* Nunc antitodum ministrabo contra pestem hanc. Primum, ieiunandum est sæpius, ut evacuatio siue evaporatione fiat humoris sensitivi superflui;

tūm

tum piscibus vescaris potius quam  
carnibus, quæ generat sanguinem cali-  
dum & concupisibilem; vino abstineas  
& saccharo, in quibus inest venereum pre-  
vocamentum; tum otia vites, siquidem  
negotia condensant hanc cerebri fluidi-  
tatem, quæ gignit ex se turpissimum  
id excrementum voluptatis.

*Ped.* Ego cum *Scipione* nunquam  
minus otiosus, quam cum otiosus.

*Dro.* Proximum est, ut cantus mere-  
tricios caueas, & omnem illam sylla-  
bicam compositionem Poëtarum, qui  
nimis articulatur de his loquuntur.

*Ped.* Hos optimè *Plato* eiecit à suâ  
republica.

*Dro.* Deinde consortium fugias  
istarum aulicarum, quæ valdè agunt in  
hæc inferiora corpora: Præter hæc, potio  
aliqua purgatiua sumenda est, quâ  
complexionem istam immutes tuam.  
Nam vos cholericis propter ignei hu-  
moris copiam feroces ruitis, cum nos  
melancholici ( præterquam quod in-  
geniosiores sumus, teste *Aristotele* in

blematis) tum quoq; ob terrei sanguinis  
pigritiam multò sumus ad hosce brutales  
motus minùs proni. Hæc quæ præ-  
scripsi si nequicquàm profint, venien-  
dum est ad illud vltimum; nôsti, quid  
sibi fecerit *Xenocrates* Platonicus.

*Ped.* Dabis iàm mihi vicissitudinem  
loquendi: *Socrates* (qui hoc solùm *Se*  
*scire dixit quod nihil sciret*, ideoque  
est Apollinis oraculo sapientissimus  
iudicatus) in quodam dialogo *Plato-*  
*nis* (qui est *Hoimerus Philosophorum*)  
Amorem omnem distinguit (qui autèm  
non distinguit, destruit artem) vnum di-  
cite esse sordidum, qui nebulonum est,  
alterum honestũ (in quo fateor me non  
mediocriter esse versatum.) Sed & plu-  
rimi doctissimi homines amatores fue-  
runt illo primo modo. Nàm, ut nihil  
dicam de *Ouidio*, vt taceam *Salustium*,  
vt præteream *Aristippum*; quid attinet  
dicere de *Demosthene*? silebo etiàm *Ci-*  
*ceronem* ipsum, per *Aposiopesis*, qui *Ca-*  
*tachresticè* & parum castè amabat, vt  
nonnullis placet: sed mentiuntur qui-  
cunque.



quicumque. Quîd commemorem *Aristotelem* vestrum, qui caballus factus est, & equitantem tulit meretricem? Ego cum istis omni exceptione maioribus errare malui, quàm tecum verà sentire. Sed non opus est istos allegare, ego quippè uxorem non *Thaidem*, ambio: sic enim apud optimos authores *Thais*, (quæ famosissima meretrix erat) absolute ponitur pro quavis meretrice.

---

## *Actus primi: Scena*

### *Quarta.*

POGGLOSTVS.

DROMODOTVS.

PEDANTIUS.

P. **E**Xire me voluit Herus meus (quantum memini) duas ob causas, vt istos aliquâ ludificer arte meâ, ac vt quendam post convenirem in foro *Tyrophagum*.

Dro. Hèin quis est?

C 4

Pog.

*Pog.* Dij vos fortunent, Generosi.

*Ped.* Et tibi crus sanent tuum,  
mendice claudipes.

*Pog.* Misereat vos mei, pauperis  
& boni, miserandi semi-hominis.

*Ped.* Credo nos literatos magis infestari mendicis, quàm cœteros homines, qui quoniàm miseras mortalium novimus, misericordes sumus; & quia misericordes, omnes ad nos miseri supplices confluent.

*Dro.* Tu otiosus es, & cupis isto modo vagari; abi, & labora. Vides planetas operari perpetuò, & cœli motus est perennis.

*Ped.* Cur non manuariam aliquam artem calles? siuè mœchanicam, id est, adulterinam, à mœchando: sunt enim cœteræ artes adulterinae, respectu nostrarum liberalium.

*Pog.* Oh, venerabilis Domine, nunquam istarum ullam didici; Domine verè Reuerende, fui quondàm semi-doctus, & è nouem musis colebam nonnullas. Sed obliuio iam extinxit.

*Dro.*

*Dro.* Doctrina, tua non erat habitus confirmatus, sed dispositio tantum, aut remota potentia. Nam si profunde, non perfunctorie didicisses, tum si tam diu viueres quam corvus aut quercus, habitum tuum Doctrinalem priuatione nulla unquam corrumpere.

*Ped.* Tu artes fortasse primoribus (quod aiunt) labris attigisti, non in succum & sanguinem convertisti (quod docti solemus.)

*Pag.* Quæso, doctissimi Musarum sacerdotes, inopem & egenum iuuate benignitate vestra.

*Dro.* Imò operam arti des denuò: sic veras possidebis & immortales diuitias; nos, qui (ut tu olim) scholasticam vitam sequimur, sumus quasi *formæ separatae*, non curantes hæc bona sublunaria.

*Ped.* Nos omnia habemus, nec quicquā habemus, id est animos tranquillos, nummos nullos; nil enim est, nil deest tamē; pecunias cum non habemus, non desideramus; quare adolescens operā &

oleum perdis; ne expectes vel micam unam à nobis, qui locutionibus, non oculis sumus locupletes: & tamen *locuples* dicitur à *plenis oculis* (quod iste non novit.)

*Pog.* Ut maneam qualis hætenus fui, vir innocuus, quæso aliquid detis.

*Ped.* Dabo, nempe consilium fidele, esto *Integer vita, scelerisque purus*; Nàm non oportet ullo in officio *claudicare*.

*Pog.* Illudi me sentio: vultis gladium istum, quàm sit acutus, experiri? Equidem, viri optimi, si vellem iam latronem agere, possem vobis vel invitis eripere: sed spero daturus.

*Dro.* Imò profectò idque actutum: ecce tibi quiddam *non quantum*, unde tamèn hodiernam possis coenam procreare.

*Ped.* Cùm tibi video indolem inesse & acumen, tibi ut prosum opto, ut facultas par esset voluntati, nunc accipe hoc aliquid quicquid est (etsi hoc aliquid nihil sit,) læta fronte, ut pignus amoris erga te me.

*Pog.*



*Pog.* Aliquid etiã (nisi molestius  
essẽm) in crastinum vt detis, postu-  
larem.

*Dro.* Vtinã aliquid tibi dare  
possem non in crastinum solum, sed &  
in sempiternum, idque trifariam : in  
*aviternum*, nempe, æternum *à parte*  
*post*, in coæternum, nempe *à parte*  
*ante*.

*Pog.* Hoc telum petet vos *à parte*  
*ante, & post*.

*Dro.* In-Interim hoc quæso cape.

*Ped.* Et hoc etiã : Nam opem ferre  
supplicibus, excitare afflictos, subleuare  
calamitosos, dare salutem, *Oratoris*  
*proprium est*.

*Pog.* Ignoscite, si a vobis summis  
Magistris ego *Incipiens in hac arte* pe-  
tam aũdaciùs : caligas mihi libenter no-  
uas emerem, & libros aliaq; necessaria,  
vos si hunc sumptum feceritis, *Mæce-*  
*nates eritis mihi*.

*Ped.* Vt cognoscas te mihi charum  
esse, scias non solere me cuiquam tam  
prodige largiri, nãm non omnibus  
dormio

dormio, Sed lucrum est si quid tibi benefacio: tene.

*Dro.* Nos a stellis & coelo quotidie influentias accipimus, ergo quò magis liberales, eò magis similes coelesti *quinta essentia*.

*Pog.* Vnum quiddam restat, in quo exorandi mihi estis: ut etiam crumenam detis, in qua nummos reponam istos.

*Ped.* O inexplabilem avaritiam! O gurgitem! O *Charybdim*! (siue Charybdiu!)

*Pog.* Nisi hilari vultu dederitis, ego non accipiam.

*Ped.* Perij, me aspexit, vale, vale crumena mea, valetudinem tuam cura diligentèr, iterum atque iterum vale: dono quidem promptissimè, unum id dolco, quod video te virum tam honestum egere pecunijs nostris, habebis statim, postquam sarcimentj reliquum extraxero.

*Pog.* Non multum refert, si tradas cum appertinentibus etiam.

*Ped.* Quoniam ita vis, trado. Dii hunc

hunc cum omnibus pertinentibus eradicent.

*Pog.* Hanc ego (cum tam ornata sit) in dies festos reservabo. Tu fortasse habes quam quotidie terere possum.

*Dro.* At obsecro iam te ne velis *potentiam hanc in actum producere*, præsertim cum à posse ad esse non valet consequentia. Nam in hoc pauxillulo (mihi crede) quod restat nummulj essentia ipsa & existentia mea consistit.

*Pog.* Quæso, sine te exorem, vir doctissime, Obtestor te per *acumen ingenij tui*, & ensis mei.

*Dro.* Oh sat est: exorasti satis, habet tibi.

*Pog.* Munificentissimi viri, dedistis hæc mihi, annon?

*Ped.* Etiam planè, maximè, admòdum; & tu accepisti, annon?

*Pog.* Sed mutuò, annon? Valete.

*Ped.* Mutuum, quasi *meum-tuum*. Sed illud nuper *meum* iam fit *tuum* sine *mutuatione*, aut *mutatione*. Proh Scelus!

*Dro.*

*Dro.* Abj, rue, redi in primam materiam, claudum monstrum, nunquam intentum à natura universalì, defectus & error naturæ particularis. Per te omnium infra sphaeram Lunæ existentium perditissime, qui contemplativos spoliast. *Vtinam grave tuū de cruce feratur deorsum*, aut in ipso hoc nunc exarescat tibi humidum radicale. Quàm ego tremui totus, ne ense suo penetraret dimensionem meam? *Vtinam* ego hodie potius cum centum simul capitis sophistis disputassem in scholis publicis nostris, modo vnius huius strangulatorum argumentum evitarem.

*Ped.* Quoniàm mortale tuum pectus coëgit auri mei sacra fames (*Sacra per antithesin, vel Sacrum est quod Dijs inferis devotum*) opto, ut quicquid tetigeris, aurum statim fiat. Hoc tu fortasse præclarum putares, sed eveniret tibi, quod *Mide* (cuius etiàm obiter *vtinam* auriculas haberes) *Qui fame peribat, quòd auro vesci nequibat.* Sed video jam campum in quo exultare possit.



possit oratio : te Mercurialem (non quoad linguam, sed quoad manus) vexent saxum sitisque Tantalum, Ixionis rota vaga vagum torqueat, Charon remiger Orci Phlegetontis in undas deferat, qui falcem tuam meam in messem immisisti. Mihi tamen non eripuisti divinam animi constantiam, pessime, non scientiam, non prudentiam, non virtutem ullam denique. Quod de *Attilio Regulo* dictum diuinitus.

*Dro.* At mihi eripuit liberalitatis, et si non habitum ipsum, tamen *actum & instrumenta*. Nam evacuatus sum ego (quod est contra omnem medicinam) *radicaliter*.

*Ped.* Eamus intro nè hic fortasse de-  
nuò nos invadat.

## *Actus secundus : Scena*

*Prima.*

*CROBOLVS.*

*TUSCIDILLA.*

**Q**uid censes, mea Tuscidilla, nonne  
conditum suaviter hoc convivium  
dedimus?

dedimus? vna cum eſcâ haniſſimum voravit, jamquē mea eſt Lydia; Tu cibos dulces, ego blanda verba dedi.

*Tuſ.* Vide, ne mihi verba des obſecro; ne dicas me cibos dediffe: Non ſat habes, quod amoris te vias omnes doceo; quin ut te, tuamque aliam poſtules? nā unum (Dæmones meos teſtor) obolum à me ſumes unquam, niſi mutuo, idque ſub fœnore: repone mihi (priuſquam ulteriuſ progrediare) in hoc concavū palmæ meæ, quas jam debes pro comeatu, minas binas: Habebis à me ſemp̄r *locum & jocum*: ſed audin? *potum & focum* ſuppeditabis ipſe, ſi placet. Dicis mihi nugæ, *Optima Tuſcadiſſa*, & *Memoriā te celam ſempiternā*; Sed ego non video nummos.

*Cro.* Ne tantillum unquam (honeſtiſſima hoſpes) tibi orietur à me damni, cognita noſtra fides toto foro eſt, mihi verò mille ſunt modi pecunias corradendj. Nām, ut omitam illam præclariffimam *rapiendi artem* (quæ *domina*

domina est & regina reliquarum omnium) ego legalem istam monetam (si desit) cudere quidem ipse possum: quin alias etiã plurimas fraudulentas artes teneo ad vnguem: *Alchemia* mea homines plũbeos in usum meum aureos efficit; *Magia* promittendo aureos montes, infert in crumenam nostram argenteos nummos: *Vrinariam* artem practicando etiã aliquid possum emungere: in quã nihil requiritur, nisi *lotio & potio*. Sed quid ais ad hanc parasiticam nostram Adulationis artem? quæ est ars artium & scientiã scientiarum, quã iuvenes generosos (vt mures, aut muscas) capimus, hos ego meã irritos amicitia devoro prorsus & absorbeo, cibus hi mihi & potus sunt, è quibus etiã (tanquã è cellis promptuarijs depromo quod lubet?

*Tus.* Promas igitur tandẽ quo solvas, quod promittis tam sæpẽ.

*Cro.* Cedo mihi ergò jam adolescentulum cuiusmodi, eum tractabo eruditissimẽ, primò laudibus in cœlum efferam,

effera, ac Iouem alterū efficiam, ex quo  
 tantum mei ardebit amore, vt sicut *Iu-*  
*piter* olim *Danaë in gremiam*, sic ille  
 meas in manus imbrem aureum immit-  
 tat, tūc prodigalitatē cum omnes  
 partes docebo, quomodō epulas luxu-  
 riantes paret, spectacula magnifica ex-  
 hibeat, voluptates quasque aucupetur,  
 famulos famelicos expleat muneribus,  
 me verō Dominum suum efficiat: hīc si  
 nummi fortē deficient, parabo sodalem  
 aliquem mihi à consilijs, qui fundos  
 eius omnes hæreditarios emat pretio  
 perexiguo, sic ego & cum illo fundi, &  
 cum isto pecuniarum particeps ero.

*Tus.* Novi satis fraudulentum esse  
 te carnificem, itaque urgeo iā ut sa-  
 tisfacias; hoc enim præcavere mihi me-  
 movet.

*Cro.* At nimium meticulosus es, viros  
 solum, non scēminas fraudare solco,  
 huic siquidē sexui fidus sum non tan-  
 tum in speciem, sed *intus, & in cute.*  
 Atque nunc tibi vt reddam quod restat,  
 aliā iā id aggressus sum viā. Nosti  
 hunc



hunc futilem Pædagogum meum rival-  
lem benè nummosum esse : istum statui  
astutijs omnibus ad vsus quosque meos  
penitus corrodere : sic & ille ad amores  
hosce prosequendos debilior fiet, & ego  
inimici me sanguine saginabo. Incep-  
tum est, spero, haud incommodè, Exitus  
acta probabit. Sed quis hic strepitus ?  
tu domum revertere, ego Pogglostum  
consequar, ut Tyrophagum agenda  
cuncta doceam.

## *Actus secundus: Scena*

### *Secunda.*

PEDANTIVS.

DROMODOTVS.

LVDLIO.

BLETVS.

P. **A** Deste satellites, & stipatores,  
circumcingite, circumval-  
late Regem vestrum, *sceptrum meum*  
non metuite, sed defendite. Tibi, Blete,  
quanquàm ingenio haud nimis polles,  
tamèn

tamen vim natura non negavit : Tu autem astes huic Ludio, tanquam *Tenaxer sub Ajacis clypeo*. Nunc si in hoc ardore iracundiae meae illum uspiam Catilinarium latronem hic aspicerem, ut ego oratoriè inveherem in illum verberibus?

*Dro.* Quòd si illud *individuum vagum* mihi jam demonstrativum esset, eum ego istoc Academico telo vel ad centrum usque terrae deijcerem, & ultra si fieri posset. Sed non potest, nam si fortè præteriret ipsum medium, tamen remearet ad centrum rursus motu quodam naturali *reverberativo*.

*Ped.* Ausus es improbe, gigantum more, *bellare cum Dijs*? Non possumus spiritus tuos *debellare superbos*?

*Lud.* Præceptor colendissime, idemque dignissime totius nostri exercitus Imperator, tuo semper sub vexillo lubens militabo : ita es in pace prudens, & in scholâ doctus, & in bello fortis, & in acie formidabilis, vel formidandus.

*Ped.* Audin' tu hunc puerulum, quam

quàm appositè quoad sensum, & figuratè quoad phrasem eloquatur? Meherculè amo hunc, ità me inuitatur sedulò. Hic hic est puer aureus, albæ gallinæ filius, hunc hæredem scribam omnium librorum meorum, præter *Lexicon Nizelij*, quod mecum iam dormit, quod mecum sepelirj volo.

Sed tu quæso, qui physiognomon es, de pullis his meis profer iudicium tuum, velut *Zopyrus* de *Socrate*, vt narrat *Cicero* meus.

*Dro.* Quemadmodum (vt habetur in libello *Prædicamentorum*) quædam insunt in, & non dicuntur de, alia dicuntur de, & non insunt in: alia & insunt in, & dicuntur de: alia nec insunt in, nec dicuntur de: ità in aliquibus inest ingenium, & non apparet; in alijs apparet esse, & non est; in alijs nec est, nec apparet; in quibusdam (qui scælici sydere nati sunt) & est, & apparet. Talis hic *Ludio* puer tuus.

*Ble.* Quid hic stamus tanquàm asini otiosi? num huc convenimus ad abigendas

das muscas? aut hostis veniat aut nos abeamus: Audivit fortassè furcifer me hîc adesse, qui sum in omnibus nocturnis vigilijs truculentissimus contra latrones istos.

*Ped.* Agite, quoniàm scopulos prætervecti periculorum, esse iàm in vado videmur tranquillitatis, reportate iàm domum denuò hæc Achillea arma nostra; & si ego vel *st*, vel, *hem* inclamavero, accurrite rursus pugnaturi tanquàm pro aris & focis.

*Lud.* Iupiter opt: max: arceat, coerceat inimicos tuos.

*Ped.* Ausculta, obsecro, lepidas pueri elegantias; progredere:

*Lud.* Iupiter, inquam, iuvet te, Minerva minuât hostes quoscunque, Pallas ad pallorem terreat, Mars & Mors perfundent. *Tantarra, Bownce.*

*Ped.* Euge, nihil suprâ; id est, i pede fausto. *In hoc plures insunt Pedantij.*

*Lud.* Nisi interdum blandulis istum delinirem verbis, nunquàm abstineret a verberibus; nam utcunque fustim  
igna-



ignaviter, virgam certè vibrat viriliter  
valde.

*Ped. Ludite.*

*Lud. Blet. Gratias.* Quod si ultra tres  
plagas sæviat, conquerar matrem. Illa ju-  
bebit patrem meum : tum pater eum in-  
jus vocabit coram Iudice, qui flagel-  
labit crumenam Præceptoris vique  
ad sanguinem.

*Blet.* Eamus, inquam, valete.

*Ped.* Nunc si te attentum, benevolum  
& docile præbebis (quæ tria necessario  
requiruntur in Auditore) exponam tibi  
cum universim omnes, tum figillatim  
singulas (quas cælavi te hæctenus) causas  
amoris nostri.

*Dro.* Scio ignorationem causarum  
Matrem esse erroris ; Sed vide ne ponas  
*non causam pro causâ*, & apparens bo-  
num pro vero bono ; nam sicut *stella*  
*cadens* (licet sit cadens) tamèn non est  
stella ; sic bonū apparens (et si apparens)  
tamèn non est bonum : præambulis istis  
suppositis, incipe scèlicet.

*Ped.* Primum illud cognitum &  
perspectum

perspectum habeas, me non titillantem illam & lascivientem carnis libidinem, sed solam & meram honestatem sequi: Hæc pauca præmissa sint, ut occurratur cuidam tacitæ obiectioni.

*Dro.* Hic processus est methodicus & Aristotelicus: qui in Physicis primò, quæ non sint principia, & in Ethicis quid non sit felicitas, ostendit, antequàm quid sit. Posito nunc ergò non *causativo* Amoris tui, ordo postulat, ut verum ejus *operativum* dicas; certe cupiditate sublatâ, tollitur omne originale Amoris: nam nisi supponatur aliqua appetibilitas, nulla relinquitur possibilitas Unionis cum objecto, hoc vult Philosophia.

*Ped.* Laudes, quas mihi tribuis, in optimâ partē interpretor. Quod ad alia attinet, quæ dixisti, sic habeto; non odisse me mulieres, quippè qui sciam esse earum nobis mortalibus usum aliquem necessarium. Amo igitur fateor; non sum enim è silice natus, aut tygride. Sicut apud Virgilium *Æneas* iudicio  
iræ

iratae *Didonis*, vel potius *Didūs*, secundum Græcam declinationem: *Sappho Sapphūs*, per ūs circumflexum. Non autem Amo secundum redundantiam juvenilem, aut in summo genere; sed (si quid ego judicare possum) *Philosophicè*. Rationes autem, quibus moveor, sunt quinque, vel potius sex.

*Dro.* Non refert de numero; vide ut sint irrefragabiles. Sed *Pythagoricū* hoc est, religiosè & mysticè numeros considerare; quorum quidam duodecim causas (tanquam duodecim signa Zodiaci) æstimant.

*Ped.* Primò, scias velle me foelicem esse perfectè, quod omnino non fit, absque hoc additamento vel *Corollaris* vxoris.

*Dro.* Quasi verò virtus sola per se non sufficiens sit ad beatitudinem. At vxor non est virtus ad minimū, fortassè etiā vitium: Foemina est naturæ error siue debilitas. Quia Natura semper intendit quod est perfectum & optimum. At mas est præstantior. Ergo.

D

Ped

*Ped.* Secundò, decrevi ædes mihi comparare de proprio, in quibus mater-familias aliqua non minùs necessaria est, quàm campana in templo, aut lignum in foco.

*Dro.* Reverà si Oeconomiam spectemus rei familiaris, vxor *causa est adiuvans* aliqualitèr. Et familia est civitatis principium *ex quo*. Ut demonstrat Philosophus Primo Politicorum. Iam, Pedanti, factus es politicus.

*Ped.* Factus? Imo natus: quem natura ipsa finxit oratorẽ. *Bonus autem orator est civitatis oraculum*: teste Oratorum oraculo Cicerone nostro. Sed pergam in cursu instituto. Si agrotarem aliquandò, vxor est medicinale quiddam; præsertim in feбри, vbi fitis regnat.

*Dro.* Pestilentissima hæc febris est, quæ sceminam fitit.

*Ped.* Quartò, nobis studiosis vxor medicamen est contra melancholiam & phrenesim, quæ nobis imminet contemplationi deditis.

*Dro.* Etiam vt cōtra plethoram sanguinis



guinis interdum, si saviat. Sed hæc est impropria prædicatio, si inferius sic prædicaretur de suo superiori.

*Ped.* Quintò, nisi fierem maritus, garrirent plebeij homines Pedantium esse Eunuchum. Vah! quod est falsissimum. Vah!

*Dro.* Hæc ratio non est coactiva. Nam multi philosophi, qui non erant maritati, fecerunt tamen opus naturalissimum, id est, generarunt sibi simile; quod Eunuchis non competit, certè *per se*. Sed bene fortè *per aliū*. Causa patet: nempe propter defectum causæ instrumentalis. Ergo non sequitur a non uxorato ad Eunuchum.

*Ped.* Sextò, quid est per deos immortales (non possum enim me continere, quin exclamē) haud ad utilitatē Reipub. commodius; aut ad voluptatem bonorum omnium jucundius, aut ad gloriam nominis nostri splendidius, quàm relinquere seculis venturis veram & vivā imaginem Pedanti; hæredem virtutum mearum, & istius prolem patris? Deniq;

quid Oratorj magis necessarium, quàm linguâ promptum esse; quæ nobis est prora & puppis? Conjugatus vero binas in promptu habet linguas: Vnde & *bilin-*  
*guis* iure optimo possit appellari. Ad-  
 dam etiàm brevem Epilogum, in quo  
 erunt tria hæc, *repetitio*, *petitio*, *pa-*  
*thos*. Quarè si vel emolumenta nostra,  
 vel reipublicæ salutem respicias, va-  
 ledicas huic opinioni tuæ. Ego qui-  
 dem, quod ad me attinet, sic statuo: verè  
 enim mihi videor esse dicturus, Hy-  
 menæus meus Deus; vel magis emble-  
 maticè; *Aut uxor, aut vexor*.

*Dre.* Aethiopem lavo, hic capere  
 non potest influentiam consilij mei, &  
 amore pungitur, tanquàm *candâ Dra-*  
*conis*. Vnicum hoc iàm restat, ut cum  
 impressio tam profundè facta sit amoris  
 in te, (ut omnes partes & similes &  
 dissimiles laborent ex eo) si non pos-  
 sis prorsus & simpliciter, saltèm ut at-  
 tenuatè convertaris tamèn: scilicet  
*signa minora cape*; si non secundum  
 quantitatem, at secundum aliquam ex-  
 ternam

*ternā apparentiam; nē vulgus id videat.*

*Ped.* Prudentiam vt sumam si suades, ea est in animo meo, quasi sanguis in corpore: *Apollo, Pallas, & Mercurius* mihi sunt individui comites, quibus cerebrum meum cœlum est; quare non possum non prudens esse.

*Dro.* Cautè, cautè, pro honore Vni-  
versitatis.

*Ped.* Imò & castè etiam. Quid ni? Nihil enim unquàm admittam ego indignum Oratore aut Philosopho: Sed viden' tu ædes illasce? ibi habitat, quæ in me habitat, quarum parietes sunt me multò beatiore, siquidē hi usq; quaque Lydiam complectuntur meam, quæ fugit protervè me, sicut Apollinem Daphne olim.

*Dro.* Et tu sic irrationalis es, ut ames, quæ odit te?

*Ped.* O plumbeum pugionem! quasi non dixerim Apollinem idem fecisse, quem ego præposui mihi in omnibus imitandam.

*Dro.* Sic igitur distinguo, idque ex  
D 3                      sententiā

sententiâ Philosophi, Contrarium expetit suum contrarium, verum est, idque non contingentè, sed catholicè. At addendum est tamèn, non quatenùs contrarium, sed *Medij gratia*; nempè ut ad medium perveniatur. Vt docet Aristoteles in *Ethicis*.

*Ped.* Utinàm, ut Lynceus olim, sic ego nunc parietes istos possem oculis penetrare, Lydiam meam quocernerem, quid agat; Sed ô fors fortuna! mihi descendendû est in solem & pulverem.

*Dro.* Iàm declinandum est extrâ Zodiacum rationis. Ego abeo.

*Ped.* Nequaquàm : spectator eris mearum pugnarum, dùm ego hanc adorior vel adoro potius.

## *Actus secundus. Scena*

Tertia.

LYDIA.

PEDANTIUS

DROMODOTVS.

**L.** Postquàm intus curata sint omnia, ut oportuit, libet iàm paulispèr de mearum successu rerum cogitare.

*Ped.*



*Ped.* Sic igitur aggredior bonis quòd aiunt *avibus*. Etsi delector multum suavitate sermonis tui, (Nàm non vox hominem sonat : O dea certè) tamèn cogor hìc propter angustias temporis reliquum amputare cursum orationis tuæ.

*Lyd.* Factum, ò fortuna, nequitèr, quod istum obiecisti jàm tam ineptum, tam importunum mihi.

*Ped.* In tempore venis, quod omnium rerum est primum : Adestùm, paucis te volo.

*Lyd.* Etsi nequicquam placeat, tamèn cùm inhumanam esse haud deceat; audiam quæ loquatur..

*Ped.* Cogitanti mihi sæpenuerò, & memoria vetera repetenti, perbeati ( *Lydia* virgo ) videri solent, qui & amare & amari foelicitèr unquàm potuerunt, ita vt simul uno eodèmq; puncto temporis & amantes & amati esse posse videantur. Nàm (vt Peripatetici prohibent ) Amor omnis mutuus esse debet, & reciprocus. Quaproptèr ut à thesi

ad hypothesin veniamus, ô felix anima mea, flosque foeminarum ! te per tuam pulchritudinem (quâ nihil unquàm vidit sol splendidius) oro, obtestorque; ut quoniam Amor hos regit artus meos, idem etiàm tuum in sinum influat ad arctam magis copulationem nostram, (*vel nostrj*) sic ut & tu in pectore meo, & ego in corpusculo tuo tabernaculum vitæ collocemus.

*Lyd.* Aliam reperias quæso, quam illudas; ego id agam sedulò semper, ut honesta sim, utcunque tibi videor.

*Dro.* Virgo ( videtur enim nobis quod sic) fortassè non vides ad imum & fundum eorum, quæ dicta sunt; eadem ego dicam planius: primò, generalitèr; post, specialitèr. Generalitèr sic; omnis homo (intellige autèm non hunc aut illum, sed ipsam *speciem & universalitatem*) est animal sociabile & congregabile naturâ: hoc tene. Iàm specialitèr: unusquisque desiderans, optat ipsi desideratæ omnem suam quasi *naturalitatem*, & id ipsum quid hominis.

com.

communicare. Nunc ad applicationem venio: Ergò hic amicus meus cupit ut sit inter vos non solum sociabilitas ista, & confusa notio, sed etiam proximior relatio quædam ad-invicem, (quæ tùm efficitur, cùm essentia unius dependet ex altero,) ita ut vos duo fiatis relata, non tantum *secundum dici*, sed & *secundum esse*. Ad hæc tibi etiam approximari desiderat non modò per *contactum virtualem*, sed & *localem*. Præterea coniungi & coadunari in unum non *contiguum*, sed *continuum*. Ultimo, petit ut ex duobus numero differentibus fiat unum *Individuum*, idque indissolubiliter combinatum.

*Ped.* Quod si pectus meum fenestratum esset ( quod Momus in homine exoptavit ) cerneret tùm, cerneret (inquam) *fixam, haud fictam* fidem, quæ si oculis cerneretur, mirabiles Amores excitaret sui, ut ait Plato, siue quis alius.

*Dro.* Quia nolo te hallucinari circa hunc amorem, quasi profectum ab in-

tentione vanâ ex parte amici mej, cognoscas nihil eum à te petere, vel contra vel præter honestatem: quod sic arguitur ex sufficienti divisione: Tu duplex es, & constans ex duabus partibus, corpore & animâ, ac corpus quidè(m) (quod negari non potest,) est amabilissimum. (Nàm hæc superficies dealbat a candoris tui valdè *disgregat visum nostrum*) sed tamèn animam (quæ est pars simplicissima) simpliciter & *propter se* amat, corpus per *accidens*, & animæ gratiâ.

*Ped.* Anima tua omnes omnium amores in se complectitur, pro quâ eamori nemo unquàm bonus dubitabit.

*Lyd.* Præstaret domum reverti me, quàm hic irrideri facetijs.

*Ped.* Facetum esse me non eo inficias, sed nunc tamèn postquàm Amor hic ariete suo murum mentis meæ percusserit, agitur seridò (serenissima Lydia) vis ut tibi lachrymis, & singultu cōvulsiones meas testificer? Ah virgo venefica & incantatrix animi mej! distrahor, divellor, id est, *in duas veller partes,*  
quarum



quarum vna est in conclavi corporis tui, altera repetit partem perditam, quam tu possides.

Nàm quandò primùm illam tuam fascinantem faciem aspexi, statim mens mea nescio quò correpta, impulsæ, abrepta, afflata furore amatorio abiit, exit, evasit, erupit è perturbato hoc domicilio, ad oras oris tui appulit, vbi formam divinam & certè veram *Ideam Platoniam* contemplatur. Sola tu potes ab istâ me extasi liberare, si passura sis corpus me meum, quod hîc est, conjungi rursus animæ meæ, quæ illic est.

*Lyd.* Quin potius auferas animam hinc denuò.

*Ped.* At tu me tenes ut viscus, & interficis ut Basiliscus.

*Dro.* Sicut ferrum amovere se a magnete non potest, ita istius animæ (quam rapuit ad se *attractiva vis* vultus tui) recedere iam non valet rursus *gradu retrogrado*. Amor in isto non *accidentalitèr* sed *essentialitèr* inest, ut evelli

evelli salvo interim subiecto nequaquā  
possit. Quare non debes te opponere  
huic tam ita *diametraliter* (& tanquā  
*inlineâ Eclipticâ*) negando quod rogar.

*Ped.* Intuere obsecro cum commi-  
seratione quadam evisceratum hoc &  
exangue corpus Pedantij tui; cuius  
cor tot patitur dolores, quot sunt in  
campo flores; Splen (quod ridere facit)  
jā lamentabile sonat; Iecur pusillur-  
lum corradit & corrodit *aquila Pro-*  
*methej*, seu Amor; intestina cupidita-  
tibus (quasi furiarū tædis ardentibus) in-  
cēduntur, vētriculus (sive superiorē, sive  
inferiorē spectes) *Æstuat ut clausis ra-*  
*bidus fornacibus ignis*. Sic vndiq; Amor  
tuj altat, & instat tanquā *Hannibal*  
*ad portas*, ut jā nullum sit perfugium,  
nisi tu des refugium: te peto ut portum,  
ut aram, ut Asylum, denique, ut patro-  
*nam*: si deseris tu, perimus.

*Dro.* Vides jam hunc te inexplica-  
bilitè amare, & toto jecore, vel (ut vul-  
gus dicit) toto corde; sed abusive,  
nām *Cogit amare jecur*. Quare osten-  
das

das te vicissim huic esse *correlativum*,  
*cordis enim relatio* debet esse : & qui  
tanguntur vero Amore , debent *ratione*  
*differre, non autem re* : tractabilem vir-  
gini convenit esse primò & principaliter.  
Deindè doctus hic est, & Magistratè  
facundus. Nam sicut in septentri-  
one vrsæ septem sunt stellæ, sic in istius  
capite septē sunt scientiæ, quarū harmo-  
nia æque est musica , ac melodia ipsa  
septem planetarū, secundū *Pythagoram*.

*Lyd.* Frustrà laboratis, meos enim  
amores jam ante alter possidet.

*Ped.* Proh deūm atque hominum  
fidem ! *Ante rates causam ? & mecum*  
*confertur Crobolus*, putridæ carnis a-  
nimal, terræ filius, infœlix reipub: loli-  
um, Cui vix dignus est in sentinâ locus;  
quem ego docebo, quid sit irrucere  
in alienas possessiones. Tu interim dum  
eripis animam isto modo mihi, & furti,  
& sacrilegij ( nàm mens mea res divi-  
na est) & homicidij rea es.

Sanè quod olim dixit iratus Achilles:

*Corque meum penitus turgescit*  
*tristibus iris.*

*Dro.*

*Dro.* Quid? tuum hoc corpus æthereum ut illud lutum terrenum attingat? Absurdum: quin potius sicut ex bovillo cadavere computrescente prodeunt vermes: sic corruptio Croboli illius (qualis qualis sit) generatio sit Pedantij, de quo quoad humilitatem animi verè dici potest, (quod sublunaris est, sed quod ad artes attinet) super-cœlestis est.

*Lyd.* Mihi abeundum est, cum videam vos irasci tanto perè.

*Ped.* Ah! jam mitesco rursus. Nos cholericus & citò succensemus, & citò placamur. O Phoenix unica orbis terrarum! respice, non despice Pedantium, & vel uno verbulo amabili lætitiā instilla febricitanti cordi meo.

*Lyd.* Convalescas ut lubet: me multa manent domi negotia. *Exit.*

*Ped.* Evanuit verò? Quid putem? Contemptumne me? Non video vel in moribus, vel in rebus gestis, vel in hac mediocritate ingenij quid despiciere stulta possit. Dicam de te  
Lydia



Lydia(ut *Hannibal* de *Phormione*) multas vidi delirantes foeminas, at quæ te deliraret magis, vidi neminem.

*Dro.* Imò te video delirare, qui vis hanc gravitatem tuam ferri sursum, seu elevari in levitatem amatoriam, cum natura velit omne grave ferri deorsum.

*Ped.* Mihi verò sic omnem abstulit animum, ut nesciam ens sim an non ens. Sequere me.

## *Actus secundus. Seena*

### *Quarta.*

TYROPHAGVS.

CROBOLVS.

T. **A**T quid si fraudes has nostras senserit?

*Crob.* Quid si loquantur lapides, & videant postes? Hic quovis est obtusior lapide, nec majoris negotij est istum fallere, quàm ferire truncum, tu me vel nescire hic quid sit, vel ars nostra quid

quid possit, putas? hic vanus est, hic Narcissus est, sui admirator inexplibilis. Cum ergo audierit *Leonidam* in honore & gratiâ esse apud Regem, eundemque obrinuisse, ut Regiam iste prolem erudiat, lætus, gloriosus facile credet, quod cupit; nullum dolum, nullas fallacias suspicabitur. Accinge jam itaque te.

*Tyr.* At metuo malè, ne viginti minas, quas volumus, crediturus fidei meæ non sit, cum cognitas ei haudquaquam sim: & certè si nosceret, nequaquam crederet.

*Cro.* Vah, ubi est acumen tuum? quasi vel velit vel audeat negare, quod *Leonidæ* postulatur nomine. Te verò indutum hâc tunicâ satellitis regij, & fide & honore dignissimum judicabit. Si non obtinueris, nihil pericli, sin adeptus, particeps prædæ. Eia igitur, age.

*Tyr.* Si vel viderit semel mores meos venustos, sermonis grandiloquentiam, gestum corporis athleticum, vultum.

vultum non macilentum & veternosum, sed floridum & pinguem, corpulentiam istam ventricosam, proculdubio principis in aulâ me nutritum conijciet.

*Cro.* Fac ut sentiat te aulicum esse reverâ, salutes hominem submissè, curvato corpore, tibiâ alterâ porrectâ retrorsum longissimè, pleno càm complexu brachiorum compelles magnificentissimè, promittas summos quosque honores, donec in officinam productus fraudum tuarum, è rudi metallo in nummum legitimum cudatur.

*Tyr.* Incidisti in hominem capacissimum disciplinæ hujus. Veterator aut Sycophanta me nemo doctior: gestic jam animus meus mihi aggredi hominem.

*Cro.* Intellexisti tu non revelandam hanc artem nostram Alchymicam? extrahenda est ei quinta essentia.

*Tra.* Sine modò, ego eum tractabo astutè & Alchymicè.

*Cro.* Incipe, ad appositum: ostium patet, invitat ultrò te domus ipsa; tu fac,

fac, ut Dominum hunc suum supposititium evomat illicò : ego te domi meæ hospitis expectabo.

*Tyr.* Eo.

*Exit.*

*Cro.* Spero quidè jam id effecturum me, ut & iste sumptus nobis perpetuos suggerat, & mihi deinceps faciliores sint ad Lydiam meam aditus, si istum itinc abegero, qui jam nos, ut Argus, observat, inhians puellulæ quasi prædæ suæ : quem ego nunc ut prædam meam deglutiam ; sentiet stomachi nostri calor quando superet struthiocameli furnum. Nam certè conçoquere hominem, & planè absumere decrevi: Pogglostum credo carcere conclusum aliquo, cùm jam nusquam appareat. Reviso quid hic agatur.

### *Actus tertius. Scena prima.*

PEDANTIVS. TYROPHAGVS.

**I** Tan' quid est hoc? Ain' verò? repe-  
te, obsecro.

*Tyr.*



*Tyr.* Majestas (inquam) regia, cum Leonidæ (discipuli olim tui) scientiam & mores vidisset, cepit hunc amare, teque laudare palam, è cujus Scholâ prodijt, jamque te accersivit, ut sobolem committat suam tibi educandam similiter doctè & piè, quò proficit patriæ. Ego Satelles præstiti quod mandatum erat paratissimè.

*Ped.* Sciebam me Oratorem, non Aratorem, *ad Curiam* me natum, non *ad Currum* esse; quid dico, natum? ab aliquo Deo factum, ad quem tanquàm ad mercaturam bonarum artium omnes confluant. Nàm ex ludo meo innumera- biles Oratores (tanquàm ex equo *Tro- jano*) prodierunt. Iam ego in foro, in curiâ, in oculis civium, in luce reipub: versabor.

*Tyr.* Quamobrem & ego (orna- tissime literatissimeque Vir) Regis mei nomine per tuam te bonitatem (quæ est in mortalium rebus gloriosissima) perque scientiam ipsam (quam omnes admirantur) obsecro, ne recuses præstare quod

quod petitur, neve privatum otium anteponas utilitati totius reipub : Insuper (audi in aurem) ditescas ad satietatem usque.

*Ped.* Verum enimverò, generose, si existimes me lenocinijs istis pecuniarum capi posse, toto erras cœlo, ut dicitur. Sed tamen, cum illam Ciceronis mei sententiolam mente revolvam, *Non nobis solum nati sumus* : video me quodammodo pedibus ire in sententiam tuam.

*Tyr.* Benè meherculè facis, & Leonidæ etiã tuo gratissimum, qui adventum tuum expectat avidè; ut ingenio fruatur & suavitate morum tuorum.

*Ped.* Video te esse hominem probum & prudentem, non est enim pingue quiddam & crassum, quod dicis; sed acutum & honestum etiã. Nam laudas me, quod ego (cum verecundior sim) nollem fieri; sed laus sequitur fugientem.

*Tyr.* Invidiosum esset non laudare eum, cuius laus ab ultimis Academijs, urbibus-

tribusque in Regalem Curiam penetravit.

*Ped.* Accipio responsum : Iamque te complector istam ob virtutem tuam, ac si tantam facultas mea possit quantum voluntas cupit, effunderem protinus in te pelagus beneficiorum meorum.

*Tyr.* Gravissime magister, humanitas tua jam me audacem facit; unum hoc igitur petam, ut ( quoniam tu apud principem Gratosus futurus es ) me etiam apud eundem memor ut fies; te certum est brevi futurum ei à Consilijs, tractaturumque negotia maxima huius reipub: unde facile poteris mihi interdum optimè opitularier.

*Ped.* Quoniam, quæ accepimus utenda, maiori mensurâ reddere iubet *Hesiodus*, ego imitabor agros fertiles, qui multò plus reddunt quàm acceperunt : sic semina hæc benevolentiae tuæ in istius pectoris fundo radices agent altissimas, proferentque tibi messem magnam amoris nostri, nostri (inquam sic

sic enim magnates reliqui vestri (socij mei) loquuntur, annon?

*Tyr.* Licebit tibi deinceps regio loqui more, postquam regi familiaris factus fueris. Præstolatur jam rex adventum meum : ain' igitur venturum te ?

*Ped.* Dico regi (amico meo) summo salutem meo nomine plurimam, meque ejus in gratiam & patriæ meæ causâ facturum quæ velit, illud modò teneat memoriâ antiquum quidè(m) ( sed & ità verum , vt nesciam antiquùsne an veriùs) *Honos alit artes.*

*Tyr.* Leonidæ autèm de viginti minis ( quibus ei sine morà utendum est ad vsus gravissimos ) quid vis ut respondeam ?

*Ped.* O Leonida, tu es Planta mea frugifera, & ego bonus Hortulanus irrigavi te præceptis fructuosissimis, qui profers jam non solùm folia, id est, verba; sed etiàm fructus, id est, facta ad meam utilitatem.

*Tyr.* Ità sapientèr & suavitèr loqueris,



queris, ut doleam, mihi abundum esse  
tàm citò. Nàm certè Leonidas nummos  
expectat istos iam diù.

*Ped.* Quandoquidem bis dat, qui citò  
dat, habebis illicò quos ad eum deferas:  
nolo ut tardè veniant. Mihi autem pri-  
usquam me de itinere, componendæ sunt  
res domesticæ, sivè (ut Græci loquuntur)  
œconomica, tùm etiàm comparandæ  
vestes aulicæ: Nàm *splendida vestes sunt*  
*nobilitatis testes.* Sequere me.

---

## *Actus Tertius. Scena*

Secunda.

POGGIOSTVS

*solus.*

**D**Ij vestram fidem! quanta in foro  
furum turba? quàmq; pauci sunt  
qui honestè vivunt? latrocinantur jam  
omnes, & quod omnibus convenit, mihi  
quoque congruere natum est; nàm hu-  
mani

fic enim magnates reliqui vestri (socij mei) loquuntur,annon?

*Tyr.* Licebit tibi deinceps regio loqui more, postquam regi familiaris factus fueris. Præstolatur jam rex adventum meum : ain' igitur venturum te ?

*Ped.* Dicito regi (amico meo) summo salutem meo nomine plurimam, meque ejus in gratiam & patriæ meæ causâ facturum quæ velit, illud modò teneat memoriâ antiquum quidè(m) ( sed & ità verum , vt nesciam antiquiusne an verius) *Honos alit artes.*

*Tyr.* Leonidæ autèm de viginti minis ( quibus ei sine morà utendum est ad vsus gravissimos ) quid vis ut respondeam ?

*Ped.* O Leonida, tu es Planta mea frugifera, & ego bonus Hortulanus irrigavi te præceptis fructuosissimis, qui profers jam non solùm folia, id est, verba; sed etiàm fructus, id est, facta ad meam utilitatem.

*Tyr.* Ità sapientèr & suavitèr loqueris,

queris, ut doleam, mihi abundum esse  
tàm citò. Nàm certè Leonidas nummos  
expectat istos iam diù.

*Ped.* Quandoquidem bis dat, qui citò  
dat, habebis illicò quos ad eum deferas:  
nolo ut tardè venians. Mihi autem pri-  
usquam me de itinere, componendæ sunt  
res domesticæ, sivè (ut Græci loquuntur)  
œconomica, tum etiàm comparandæ  
vestes aulicæ: Nàm *splendida vestes sunt*  
*nobilitatis testes.* Sequere me.

---

## *Actus Tertius. Scena*

Secunda.

POGGIOSTVS

*solus.*

**D**ij vestram fidem ! quanta in foro  
furum turba ? quàmq; pauci sunt  
qui honestè vivunt ? latrocinantur jam  
omnes, & quod omnibus convenit, mihi  
quoque congruere natum est; nàm hu-  
mani

mani nihil à me alienum puto : Sed illud me angit maximè , ità multos esse nunc nostri ordinis, vt nè vivere quidè indè singuli possimus. Furum alij sacri, alij profani : alij docti, alij indocti : alij generosi, alij pauperes : alij senes, alij iuvenes : alij publici, alij clancularij : alij violenti, alij vafri : ego his singulis (prout libitum est) vtor ad placium. Sed est genus quoddam hominum tenax admodum, qui recondunt cupidè domi, non autèm circumferunt per vias suas secum, ne fortè cogantur interdum nobis miseris opitularier. Quos ego deinceps tractabo crudelissimè, ut discant conferre bona sua in commune : utinàm jam hìc nummi hominum omnium, & divitiæ totius orbis unà essent in crumenà posita, & que sub mei censurà pollicis & cultri caderent : quàm ego illam lubens artificiosè amputarem?

*Aëtus*



*Actus Tertius. Scena*

**Tertia.**

TYROPHAGVS. POGGLOSTVS.

*Tyr.* **Q**uàm ego amo te amabi-  
lissimum marsupium? in  
tuâ salute sanior sum; quod tu contineres  
me continet: vos nummuli animuli  
mei, vindicavi jam ego vos è servitute  
duri Domini in libertatem & lucem  
virtute meâ.

*Pog.* Deteriores fiunt homines, dūm  
agimus cum ijs humanitèr : sed con-  
testor carcerem ipsum (patriam meam)  
non passurum deinceps injurias istas  
malevolorum, qui ne tangere unquàm  
vel spectare sinunt numinos in suos :  
adihibebo posthac leoninam vim ; nunc  
revertor ut videam , herus meus num-  
quid intereà temporis lucrifecerit , ut  
cum eo etiàm ( pace eius ) participem :  
ego siquid fortè capio , mihi id omne  
referuo, eo ut fundos aliquandò emam.  
Tyrophagum ( quem ut convenirem  
E  
emisit

emisit me) dicam domi non esse, quem nè quæsiui quidem; nec quis, qualisve sit, vel scio, vel curo.

*Tyr.* Nimis me delectat species hæc honorifica vestra, quâ teneor etiâ cum festinandum sit: sed ibimus hinc jam relinquentes hoc littus avarum: equidem onus suscepi in me gravissimum.

*Pog.* Liberabimus te hoc onere, & in collegam tuam conferemus.

*Tyr.* Collegam meherclè facetum, gaudeo incidisse me in hominem tam urbanum; Num ad urbem obsecro? ego tecum vnâ.

*Pog.* Imò mihi in longinquas regiones peregrinandum est, quare hoc à te volo viaticum.

*Tyr.* Utinàm ego tibi quid benè facere possem, videris homo per jucundæ consuetudinis; sed cur tu patriam deseris? muta istam mentem, & mecum ad aulam principis revertere, ibi ego te & honoribus & præmijs augebo maximè.

*Pog.* Tu fontem videlicet habes domi,

domi, non est itaque cur mihi rivulos istos deneges: age, dato marsupium.

*Tyr.* Certè festivissimus es, ità formulas quasi seriò ageres.

*Pog.* Expedi, inquam, si sapis: mihi enim abcundum est.

*Tyr.* Profectò si fur esses reverà, non posses aptiùs.

*Pog.* Acturus sum, uti spero, aptissime: quare nisi appositè respondeas mihi quod rogo, ego machæram istam aptabo ventri tuo, velut vaginæ, idque statim.

*Tyr.* Ego satelles sum regius; vide quid facias.

*Pog.* Ego Rex ipse sum, fac quod jubeo.

*Tyr.* Vnicum hoc verbum patere me proloqui, (*Patibulum*) iam abstinebis opinor.

*Pog.* Et ego vno vicissim utar verbo, (*Gladus.*) iam reddes quod requiro, annon?

*Tyr.* At satis jam jocatus es, perterrefecisti profectò me, Quæso quanti

hunc emisti gladium, nùm licet spectare?

*Pog.* Age, sic urgeo. Responde breviter, daturusne es?

*Tyr.* Gratissimum nobis feceris, si agis aliâ ratione.

*Pog.* Hic homo nugas nectit, sis animo forti, Poggloste, & vel homicida sis, modò crumenicida.

*Tyr.* Miserum me! quid audio? quo fugiam? Crobole, Crob.

### *Actus tertius. Scena*

#### *Quarta.*

*CROBOLVS. TYROPHAGVS.*

*POGGLOSTOS.*

*Cro.* **Q**Uænàm hæ sunt furiaë ante fores? quis evoravit Crobulum?

*Pog.* Ego Here. Sceleratus hic, quem vides, me maximis & indignissimis affecit iniurijs.

*Cro*



*Cro.* Hè m, Tyrophage, quid agis?  
Tu servum meum?

*Tyr.* Tu tales alis servulos? Occidere me voluit.

*Cro.* Tu amicum meum ausus extractare malè, pessime?

*Pog.* Tu amico tuo potius quàm servo credis? tùm ego amicus tuus posthàc non servus ero.

*Cro.* Dic igitur, quam hic admisit in te culpam?

*Pog.* Rogitas? irrisit, maledixit, me servū aiebat esse miscelli hominis & nequam: se verò (quìa fatelles esset regius) posse quemvis impunè occidere, & nisi ego opem tuam & gladij mei implorassem, inactasset me carnifex: Tamen (ut plerunque solent isti nebulones) me jàm accusat, quem ille nunquàm æquabit virtute.

*Tyr.* Ego te, os impudens pro tribunali Iudicis accusabo, ni taceas, non tu ferro stricto marsupium petijisti meum?

*Pog.* Quid si tibi largiar petijisse me?

(quod tamèn adhuc non concedam) non tu supplicantem repulisti inhumanitèr?

*Cro.* Tu soles supplicare vi et armis, improbe.

*Pog.* Interroges hunc ipsum, numquid me non jocatum fuisse dixerit: Tu me (Here) censēs furem esse?

*Cro.* Non hunc aggressus, ut nummos ejus eriperes?

*Pog.* Eripere? Nihil minus: spectare fortassè volui.

*Tyr.* Aegrè ferrem profectò, te linceis illis oculis, & milvinis manibus meam in crumenam penitus intraspicere.

*Pog.* Hoccine præmium est honestæ vitæ, sic immeritò suspectum haberi? Si voluissem ego per fraudes & iniurias crescere, non ità tenuitèr nunc viverem.

*Cro.* Si quid huic intentabas mali, id in me machinatus es.

*Tyr.* Quod ignosco jam tibi, huic acceptum referas.

*Pog.* Ego vix tibi possum ignoscere, ità perversè restitisti.

*Tyr.*

*Tyr.* Sed caue deinceps istos aculeatos jocos, viden' crumenam hanc meam (quam amas) ut è fibulâ pendet more latronis?

*Pog.* Latronis vero? quæso igitur gaudeat simile simili (Aedepol ita eam amo, ut vel è recte penderem ejus causâ) patere precor ut cultro meo eam hoc solvam suspendio.

*Tyr.* Beneficium tuum malè collocabis, & in ingratum; Nam si tu eam præcideris, ne pendeat, faciet illa te pensilem propterea.

*Cro.* Satis jam in utramque partem? Tu retineas tibi hoc quicquid est nummorum, sed audin' nec omne, nec solus, nec semper; te autem tortoribus & lictoribus tradam meis, egestati nimirum & ieiunio; ut discas deinceps continentes habere digitos. Te, Tyrophage, non possum sic dimittere, potus siquidem (gluten amicorum) ante è degustandus.

*Tyr.* Optimè ibi etiam hoc ornatu me exuam. Eamus.

## Actus Tertius. Scena

Quinta.

PEDANTIUS. DROMODOTUS.

LYDIO.

*Ped.* **E**Go istos, quos narras emanctæ naris Iudices, ne flocci facio, ne tantillum curo, denique contemno imò despuo. Non etiã Academici vestri in vestitu jãm Aulicos iuitantur, qui sunt meeum neque ingenio neque authoritate comparandi? Deindè, *Cũ fueris Roma Romano vivito more*, ubi vivere capitur pro vestiri, pronunciare, pro vesci, bibere, & huiusmodi: & Aula est veluti Roma, & ego Aulicus quasi Romanus.

*Dro.* Abundè satisfacisti huic objectioni: nã m ego de istis accidentalibus & extrinsecis habitualibus minùs laboro, modò motus tuus Philosophicus sit uniformis, nec unquam irregularis, gravitatem habeas immobilem semper, quasi stella fixa, non vt cœteri planeta vestri



vestri Aulici, quorum rotatio est erratica, aliquandò directà, aliquandò stationaria, aliquandò retrograda. Tu nihil unquam committas tale, quale deordinet compositionem vestram Philosophicam.

*Ped.* Ego suadebo semper salutaria reipub. conscribam historias rerum gestarum, Legatis respondebo facundè, nobiles tractabo comiter vt familiares, foeminas autem aulicas ad lusum & risum provocabo, hæc me ad altissimum dignitatis gradum perducent.

*Dro.* Quod ad documenta aulicalia attinet, me audi. Primùm, dissimulandum est profundissimè (hoc est enim in Aulica *totum in toto, & totum in qualibet parte*) Secundò, debes (sicut genus subalternum) & *subijci superioribus, & predicari de inferioribus*. Tertiò, in omnibus quæ dixerint nobiles, quantumvis manifestè falsa, (puta cælum quiescere, & terram moveri) tu sis tamen veluti *vox ad placitum*, quæ fingentis arbitrium sequitur. Insupèr

quemadmodum sol in Signifero juxta diversitatem signorum, per quæ discurret, aliter atque aliter operatur; sic te oportet in illo aulico Signifero aliter; si in *scorpionem* incideris, aliter; si in *virginem*, aliter, si in *Capricornum*, aliter actiones tuas vel intendere vel remittere. Præterea quod ad prædam attinet, sis sanè vel ipsum *genus generatissimum*, capacissimum, rapacissimum, manusque habeas quasi voces contradictorias, quarum altera continet omnia (*scil:*) protendens, altera nihil: (*scil:*) præstans. Ultimò, parasitas etià conquiras tibi, qui te ex inani, & nullo, & non ente immensum, infinitum, transcendens efficiant.

*Ped.* Est hoc aliquid quod dicis, tamèn in hoc aliquo non insunt omnia; Neque enim docuisti manum deosculandam esse in salutationibus, neque erigendos esse sparsos capillos, idque sæpiùs, quibus ego os sublime dabo, cælumque videre jubebo, & erectos ad sidera tollere vultus. Tùm non *Proteus* olim

olim plures se in formas transtulit (de quo penè ubique legitur apud Poëtas) quàm ego vultū meū, & maximè quidē barbā, & potissimū superiorem eius hanc partē bicornem, quæ barbarè dicitur *Mustaches*. O barbariem, barba comptula & calamistrata indignam! Adde etiā, quod hunc habiturus sum puerum pedissequum, qui sandalia mea (*Pantofles* dicta ἀπὸ τῆς παντὸς φέσειν) mecum undique circumferet. Denique itā graphicè me geram, ut ipsissimum *speculum Tuscanismi* se videre quisq; dicat in hoc *vultu Itali*. Hæc singula maximi sunt momenti, & studijs dignissima nostris.

*Lud.* Ego eruditissime Præceptor.

*Ped.* Ah! vide; Ludio suaviloquens puer, quanquā sum reverā eruditissimus & *erudientissimus* Præceptor tuus, tamēn jām, jām inquam, postquā in celsiorem & sublimiorem sedem honoris ascensurus sum, isto potius me affari modo debes, *Honorande Domine, Mæcenas dignissime*, placeat modò

am-



*amplitudini tue?* Hæ sunt enim voces illæ Rhetorum amplificativæ per se.

*Lud.* Ego, honorande Domine, miq; Mæcenas dignissime, omni officio vel potius pietate erga te tibi satisfaciam semper, in quo mihi ipsi tamèn nunquàm satisfacio.

*Ped.* *Ciceronianissimum* puerum! (adhibendum est enim & superlativum & supralatinū vocabulū) ut huic satisfaciam, vides tu jàm quid sit ex Epistolis Tullij familiaribus colligere phrasés plusquàm familiares? In isto videre potes qualē, me absente, Parillū meū efficias: volo vt elegantias selectissimas, purpuratas sententiolas, gemmeas metaphoras, tanquam stellas, demique tropicas cum locutiones doceas.

*Dro.* Tropicum *Cancris* dicis, an *Capricorni*? Vah, hoc est, in superficie repere, non ad rem pervadere medullitūs, & penitissimè. Vos habetis *formalitates* istas phrasium, sed non estis materiati, neque gustatis unquàm de *Modalibus*.

*Ped.*



*Ped.* Proh Dij immortales! tunc solus doctus? Egone me didicisse aliquid non gaudeam? Tunè solus doctus? Quid si ne doctus quidèmi? quid si stultus etiàm? Sermo tuus scatet barbaris finis & solœcis finis.

*Dro.* Non possum dicere tam largè quàm tu, sed strictè si agas mecum, & Dialecticorum pugnis, emittam in te ex arcu ingenij mei sagittam syllogisticam, tribus plumis, ceu propositionibus compactam.

*Ped.* Video te Cimmerijs tenebris occœcatum esse, & egere multum candelâ ingenij mei.

*Dro.* Tuum ergo caput candelabrum est.

*Ped.* Quid ego tibi multa? Diogenes Cynicus es. Compara dolium tibi.

*Dro.* Carcer amoris est dolium tuum dolorificum. Sed ut probem te idiotam esse, responde; *Non tibi videtur Sol bipedalis?*

*Ped.* Tu videris pecus, non decus; Non est enim oratio tua calamistrata; tractas

tractas argumenta illotis manibus, scilicet, sermone *Duncico ac Dorbellico*. Denique fœnum es: ego vero ambrosia; quin & mihi etiã philosophari placet, sed paucis, ut *Neoptolemo* cùm *Ennio*, apud *Ciceronem*.

*Dro.* Miseret me brutitatis tuæ. Habes pluralitatem verborum, sed nullitatem philosophiæ. Concludam inevitabiliter contra te, Absurditates sunt tanquàm meteora, & imperfectè mixta, quæ conflantur ex vaporibus istis verborum; Ego verbosior, absurdior; Quid ad hæc? Aut nega aliquam propositionem, aut distingue de aliquo termino, si possis.

*Ped.* Ad argumentum tuum postea, nunc breviter in continuato dicendi genere. Hem. Gravi èr & iniquo animo maledicta tua paterer, si me, si te, tuamque —.

*Dro.* Nòn patiar te sic subterfugere: responde breviter.

*Ped.* Nosti Regem præstolari adventum meum: tamèn, quoniàm nolo ut  
cristas

cristas tollas, sic habeto. Ratio tua est languida & enervata: tūc etiā in ea latet quiddam, quod non patet: Præterea propositiones tuæ sunt Scopæ dissolutæ; Denique non est Syllogismus. Postremò repete.

*Dor.* Hæc etiā sunt mera crepitacula, & tintinnabula verborum. Ad rem & rhombum quid ais? Si non possis huic respondere, agam aliter.

*Ped.* Es tu quidē acer in disputando. Ego mallein *cedendo vincere*.

*Lud.* Imò verò (dignissime Domine) vinci, labi, errare, decipi, & malum & turpe est, tuamque id dedecet sublimitatem. Hic ut à te palmam ferat? Certè potes cum (si libeat) vel in cineres redigere æstu & ardore facultatis tuæ.

*Dor.* Si haberes ingenium mollicabile, aut ductile, quod jam congelatum est & incrassatum ignorantia, perducerem ego te ad inscrutabilia quæque fossilia Philosophiæ.

*Ped.* Quia triumphas ante victoriam, sic rursus classicum cano: Cum non  
potius

*potus* facit *poti* in genitivo, sicut *cibus* *cibi*. Sed, si placet, ista sicco pede prætereo.

*Dro.* Révera contrappositio ista inter nos non est ex consequenti, cum tu Rhetorculus mihi Physiologo *subalterantim* non *contradictorie* opponaris; idcirco (cum nullum violentum sit perpetuum) desistam jam te taxare tam terribiliter, præsertim cum jam permotus sis in favorem Principis, quasi in tertiam regionem ætis: quod unum si jam Lydia tua sciret, mitesceret fortassè statim, & te rem expetibilem duceret.

*Ped.* At illam ego nunc ducam (vel dijs hominibusque invitis) etenim urgebo illam literis regijs mandatorijs. Sed videon' illam exeuntem? Ipsa est. Iam videor in quartam regionem æris ascendisse.

*Dro.* In quartam regionem aeris? Ausculta obsecro; Occurrit enim mihi jam ex tempore substantialis quædam subtilitas: scilicet *in ignem*, qui certe  
ex



ex mente Commentatoris, nihil est ali-  
ud quàm aër inflammatus.

---

*Actus tertius. Scena*

*Sexta.*

LYDIA.

PEDANTIVS.

DROMODOTVS. LYDIO.

L. **N**Æ fortuna ludis me miris  
miserisque modis. Næc ea-  
dem de nuptijs quoties cogito, toties  
fluctuat magis mens mea incertâ spe.

*Ped.* Ecce ergò tibi stabilimentum  
mentis tuæ, in quo acquiescere possis,  
tanquàm in opportuno aliquo Di-  
versorio.

*Lyd.* Tibi verò nulla sit quies, qui  
me vbique vexas.

*Ped.* Itan' ? tàm atra verba è tàm  
lucidis labijs ? *Quousque tandem,*  
*Lydia, abutere patientiâ nostrâ ? O*  
*virgo (quæ virga es mihi) aperi tandem*  
*fores*

fores mansuetudinis tuæ, vt vel jam demum intrare possim in palatium regale cordis dignissimi. Nam quod precatus sæpè sum a dijs immortalibus, ut tecum unà *multos modios salis comederem*, id nunc votis opto ardentioribus. Etenim coruscus cādor coloris tui cordiollo meo gravem securem inflixit: amoris amarissimi. Quare (deliciæ generis humani, ipsaque Suadæ medulla) te per *Cupidineam stultitiam* meam, perque gratiam tuam supplex ad genua abiectus tua obsecro quàm humillimè, ut tandem post tot tempora nubila, candidum candidatum tuum (*est hoc forense vocabulum*) digneris non lividis, sed Lydijs oculis intueri.

*Lyd.* Vtinàm te oculi mei vel expirantem jam cernerent.

*Ped.* Pergis evomere virus acerbitalis tuæ? Solem è mundo tolleret, qui tolleret è vitâ Pedantium. Aliquando (ut furia) sic tuæ tibi occurent injuriæ, eruntque tibi tortorij serpentibus horridiores, quæ *vite perda* es, & montes  
monstriosi

monstruosi mali jamdudum in me ardentes jacis.

*Lud.* Honorande Mæcenas : dicax hæc & convitiatrix est scœmina, ut videtur. Visne igitur (quoniàm non decet hoc nobilitatem tuam) ut ego illam Ciceronianis & Terentianis maledictis onerem?

*Dro.* Puella, vides hunc radijs nocturnis tuis factum esse penè Lunaticum : nàm tu es *Luna* ad eum, & facis fluxus & refluxus in mari mentis eius : in quo animadvertere potes infinitatem quandam amoris conjunctam cum universitate doloris : quid si jam ex istis duobus concretis compactis & coagulatis inter se generetur destructiva aliqua privatio spirituum vitalium? Nùm tu sic organicum hoc reipub : membrum causares mori amore tui? Itaque noli amplius nauseantem stomachum habere aduersus eum, qui te veluti confortativum & restaurativum suum appetit.

*Lyd.* Ego nec tu quid dicas ;  
nec

nec, ille me amet necnè, scio.

*Ped.* Si hic sit status controversiæ nostræ, iam in manibus est victoria: Quantum ego te amem, parietes ipsi medius fidius loquantur, cuius sanè suavitatem sitio, sicut Tantalus undas volim (nota est fabula, & habet plurima Allegorica) & nisi ineptum putarem id in tali disputatione facere, (quod cum de repub: disceptetur, fieri interdum solet) iurarem per *Iovem, deosque Penates* ardere me studio incredibili, tui reperiendi, & ea sentire quæ dico; Sed quia scio te delectari conclusis, sic concludo. Sumne ego animal rationale? tum certe te amo, tu es mea meta, scopus, foelicitas, summum bonum, & denique finis ultimus.

*Dro.* Audi nunc pauca super hac *commentativè*, sed *summatim*. Cum appellat ille te finem suum, primum fatetur te esse quiddam prius honore. *Nam finis est præstantior iis quæ sunt ad finem.* Denidè testificatur se naturaliter & proprie, adeoque intrinsecè, & cum



cum quadam intentione devotâ te semper respicere. Nam sicut Philosophus amet Philosophiam Finem suum, & Rhetor eloquentiam finem suum (nec in cæteris est contrarium reperire) sic ille ipsissimam *Ipsitatem*; illam & ego-*itatem* tuam, ut ultimum perfectivum suum, quatenus in quantum, & in eo quod finis es, & in summa *finis finium*.

*Lyd.* Noui fatis amores vestros, uno momento & incalescitis, & frigitis denuò.

*Dro.* At Amor huius non capitur confusè, sed supponitur immobilitèr, & habet immutabilitatem inhæsitivam fidelitatis in se.

*Lnd.* Tu alios inconstantes censes, cum ipsa maximè sis; nam levius quid ventos? mulier. quid muliere? nihil.

*Ped.* Favete musæ præsides, tuque princeps Apollo. Dicendum est enim iam de re in orbe terrarum maximâ, de constantiâ meâ. Meherculè (ô Philosophia ipsa, & eloquentia mea) non sum

sum rotundus, sed quadratus, & amor meus est immutabilis (ut prudenter iam modo notatum erat ab hoc viro gravissimo) in cuius rei testimonium, si iam hoc corpus meum in *Phalaridis* tauro succensis ignibus torreretur, tuam ob gratiam, dicerem certè, *Quàm suave est hoc!* Quin-etiam prius erit glacies flammiger ignis, & tenebræ densæ vaga sydera poli, prius ponderosum grave volabit in altum, ut aliger, & quassabit vanos ventos levis pluma, prius oderit Iupiter vaccam *Io*, nec me amabit prudentiæ parens *Pallas*, quàm ego te derelinquam.

*Lyd.* Esto: an itaque cuivis me ut dem, qui amat me?

*Dro.* Nec hoc volumus: id enim esset efficere quidlibet, ex quolibet, secundum *Anaxagoræ* sententiam absurdam, quod quidem produceret monstrifica effecta. Sed hic (salvâ interim reverentia tuâ) in omnibus est æquipollens tibi; habet & corporis, & animi, & fortunæ bona. Corporis; est enim (ut vides) pulcher-

rimus

rimus quidam quasi *μικροκόσμος*. Animi;  
nam & speculatione (quæ nullam pa-  
titur ligationem sensuum) & praxi (quæ  
non finit cum dormire per totam vi-  
tam) tanquàm sole & lunâ decoratur.  
Fortunæ; quia *Deorum sunt omnia*;  
sapientes (qualis hic est) amici sunt deo-  
rum, & amicorum omnia sunt commu-  
nia. Ergo hujus sunt omnia.

*Lyd.* Dignissime Mæcnas, con-  
temnas tu istam, Rex tibi dabit conju-  
gem præstantiâ dignam tuâ. Te verò  
mentis inopem, quæ oblatum hoc res-  
puit aurum; hic tibi omnia tanquàm  
virgulâ diuinâ suppeditasset.

*Ped.* Hactenus in apologetico, nunc  
ad encomiasticum genus veniendum  
est. O Helena mea! Nam sicut huius  
causa recuperandæ omnem olim *Me-  
nelaus Graciam* excitavit, sic ego, hanc  
ut adipiscar, *Latinitatem* omnem Ro-  
manæ gentis eduxi in aciem. Quan-  
quam laus proprio sordet in ore, tamèn,  
cùm sciam me habere licentiam Poë-  
ticam, aggrediar, complectarque brevi,  
&

& multò brevius, quàm res tanta dici potest. Non sum ego *unus è multis*, sed *præ multis unus*. Nam licet stultorum plena sint omnia, semper tamen excipe *Pedantium*, quem dicunt uno ore omnes esse naturæ miraculum: de virtutibus meis si dicerem, dies me deficeret: artes non pauciores sunt in meo cerebro, quàm in hoc capite capilli (id est, *capitis pili*.) Quis in Grammaticâ congruus? Nonne Pedantius? Quis in Poëtarum hortis floridus? Nonne Pedantius? Quis in Rhetorum pompa potens? Nonne Pedantius?

*Lyd.* Hei! *nonne, nonne, no* Pedantj.

*Dro.* Habe hunc maritum. Est quidem macilentus, sed eo magis generativus: habet gracilem tibiam, sed grossum & nervosum femur. Primâ nocte gignet masculum incontinentèr.

*Lud.* Si scires, quales iste gignere liberos posset, nunquàm eum recusares. Merus Ciceronianus & Terentianus erit istius filius primo die: & plorans librum



librum postulabit eadem quâ natus est horâ.

*Dro.* In primo instanti post, etiâ antequàm fugat lac maternum, quod est Infantis causa nutriens, & conservans vitæ, & augmentationis quantitativæ principium materiale.

*Lyd.* Num mater tua chartis vesci solita, ut tu libros è mammis ejus fugeres?

*Dro.* Certè si chartam comedat mulier, signum est eam habere morbum *ictericum*, qui ex hepatis obstructione oritur, & facit manducare carbones & alia non nutritiva.

*Lud.* Domi soror mea nimis pallet, & sæpe lingit cineres misella! Dixit Medicus eam opus habere Marito.

*Dro.* Quid si egò jam hujusce divisibilis anotomiam seu sectionem facerem (est enim cum omnibus inhaerentibus suis totum integrale) ostenderem sic omnes nervos, cartilagine, & musculos artis complicatos in eo, maximè autèm *humorem cristallinum eloquen-*

*tia in oculo animi* : tūm tu nihil haberes prius Pedantio , qui nunc nihil habes posteriùs. Cognoscere potes eum ad magna & excelsa natum , primò , quia *nasum habet Persicum* ; deinde , quia Rex ( qui est primū agens in hoc nostro politico corpore ) animam filij sui huic traditurus est doctrinā farciendā. Quapropter ( quandoquidem nullum habes aliud perceptibile instrumentum præter sensum & intellectum ) sit hic tibi , quoad sensum tibi proprium , objectum perpetuò ; quoad intellectum , *agens intellectus* , tu autē illi *patiens* vicissim : itā qui hætenus jam diu fuit in sensu , nunc tandē veniat in intellectum. Meā causā hunc respice.

*Lyd.* Eo quidē minùs gratus hic mihi , acceptusque est , te quod habeat tam ineptum adiutorem sibi.

*Ped.* Vides me (splendidissima *Lydia*) splendidiorē esse , quā consuevi : scilicet Pedantiu tuus deinceps in strepitu forensi versabitur generosissimē : regius Consiliarius , sed tuus tamē Maritus , si dijs placet.

*Lyd.*

*Lyd.* Quiescas quæso tandem, hocq;  
 responsum feras, non posse me animum  
 inducere meum te ut amem. Quare  
 ne sis amplius posthac mihi molestus.

*Ped.* Molestus? jam te non stultam,  
 ut sæpè, non improbam, ut semper,  
 sed dementem & insanam rebus ad-  
 dicam necessarijs: Quæ (si eo me  
 æstimarem quo deberem pretio)  
 non digna es quæ calceos meos mundes.  
 Cave nè princeps meus te cane pejùs  
 & angue odcrit. Sed quid ego collo-  
 quor diutius cum hac *Amazone*, quæ  
 nullas habet mammæ misericordiæ, de-  
 lectata nimirum arcu crudelitatis. Ha-  
 beas, valeas, vivas cum illo pediculoso  
 nebulone.

*Lyd.* Tandem spero liberatam esse  
 me importunitate tantâ stolidi hujus, ex  
 quo cœtera faciliora erunt omnia: ut  
 sciat hæc Crobolus meus, quampri-  
 mum curabo.

*Dro.* Nihil est omnino in hac habi-  
 tabili zonâ nostrâ mihi tam è regione,  
 & ex diametro oppositum, quàm for-  
 mina.

mina. Nàm nos, qui in Physicis intermundijs atomos naturæ spectamus, mundanas istas muscas, vanitates meras & absurditates putamus, & tanquàm extra horizontem intelligentiæ nostræ positas. Hoc visum est nobis addere corollarium ad declarandum iudicium meum, si quis fortè novitius perplexus sit super istâ re. Nunc abibo, & docebo Parillum.

---

*Actus Quarta. Scena*  
Prima.

CROBOLVS. POGGLOSTVS.

TYROPHAGVS.

*Cro.* **I** Poggloste, Poëtam affer, qui Tyrophagum meum apothecâsi aliquâ tollat in sedes superum; Huic etenim præter astutissimam sapientiam, aræ, victimæ, cultus, immortalitas debentur.

*Pog.*



*Pog.* Visne etiam, vt Templum aliquod, vel Capitolium ipsum huc feram humeris meis?

*Tyr.* Quid vos conamini? Ego mortalis sum, & quidè frutex, caudex, plumbeus, si tecum verberone vaferri-  
mo comparer.

*Cro.* Utinàm istoc verum diceres! at mihi decrescit jam indiès ars ista de-  
suetudine, nec tam doctè technas texo,  
quàm solebam; nam æstas amoris  
exsiccavit mihi jam flumen fallacia-  
rum, perierunt omnia simul postquàm  
amare occepi, simul maciem jam jam  
vides per hos membrorum omnium  
*Campos, ubi Troja fuit.* Quin nec edere,  
ut olim, nec bibere possum, venter in-  
duruit miserè obstructionibus & op-  
pilationibus. Metuo tabem: au, hei.

*Tyr.* Pu deat te sic lamentari: mihi  
verò fortunatus contrà videris (*Crobo-*  
*le*) cui sic omnia succedunt ex sententiâ,  
ut si à mane ad vesperum usque plaudas  
continuò, haud satis tamèn foelicitati  
gratuleris tuæ.

*Pog.* Ego quidem etià si Dijs, hominibusque invisus essem, etià si crux ipsa mihi honorificè salutanda esset, (quam ego adepturum me spero tandem tot laboribus exantlatis) licet rueret resp: aut periret patria, haud pilotamen tristior propterea. Herè, vis saltem paulisper experiamur agilitatem meam?

*Cro.* Qui defuncto *Chremulo* Hero meo liberum me esse credidi, falsus sum, dominum mutavi solum, servitutis verò durior manet conditio. Novos iniecit misero compedes *Cupido*, potens *Amor* pilstrinum continet, & molam in se, lorarij sunt spes & metus, qui lacerant alternis vicibus misellam mentem meam; fixus est animus & transfixus etià clavo *Cupidinis*. Interim unum hoc me solatur, quod trabem ad hanc me ligarint tortores mei, quam dum complector modò vel ad mortem cædi me sinam non invitus certè.

*Tyr.* At liber, lætus, ludibundus jam sis, superatus hostis est, & tua vicit *Comædia*,  
*Cor.*

*Cro.* In proluſione verſati ſumus haſtenùs : pugna manet adhuc, eaque difficillima.

*Pog.* Si pugnandum eſt, Here, habebis me inſtar omnium fuſtiferorum, Scutigerorum Armigerorum.

*Cro.* Captivam detinet ſenex hic intus Lydiam meam, ac niſi nummiſ redimatur, non dimittet. Quarè mihi hæc emenda eſt etiàm, non amanda ſolùm. Sed convocabo protinus Senatum conſiliorum meorum. Adſis primùm Rario (tanquàm *Cæſar ſemper Auguſtus*) tum Inventio & Iudicium (veluti duo *Conſules*) poſt Amor & Odium (*Tribuni plebis*) Deinde confidentia & circumſpectio (*Ædiles*, ſive *Taxatores*) cùm famuliſ ſuiſ dolo & largitione : poſtre mò, univerſuſ ſimul *Equeſtriſ ordo* aſtutiarum mearum deliberate, decernite, pecunias hæſce (quibuſ egeo) unde promam.

*Tyr.* Quid terram ſpectaſ ſtolide ? Non habet hæc vt auri, ſic ingenij fodinam. Erige caput.

*Pog.* Hè m, aperite, ecquis hic intùs est?

*Cro.* Ità me interturbas, pessime?

*Pog.* Volui quendam convenire ex Senatoribus, qui intùs consultant. Muti sedent. Certè in Senatu ipso dormiunt, velut *Aldermannj*.

*Cro.* Et me Herum esse non meministi, improbe? Parabitur ob ista tibi à me crux, & *colli-frangibulum*. Iterum propone *Magne Caesar* negotium, ut deliberet *Senatus*. Eho, recte narras, placet brevitás Imperatoria.

*Pog.* Crucem minitaris? Sepulchrum hoc Majorũ meorum: Crucem? Suspèdium mihi compendium. Interim neq; est satis tuam urgere sortem, Here, qui amando cerebrum defloccas, & enteras epar : Exuas istam muliebrementem, & aliquod Herculeum aggrediamur facinus.

*Cro.* Quin tibi Dij omnes dignum exitium dent. Quid dictant *Consules*, strepitu turbatus tuo, ne audire quidẽm queo. Sed pergite jàm nunc.

*Pog.*



*Pog.* Aurum Hec (metallum præstantissimum & optimè de repub: meritū) è vinclis, è carcere, è custodiâ avarissimorū hominū liberemus ingenio, viribusq; nostris: Tum Genio suaviter indulgeamus, corda refocillemus applicatione vini (quod est cos Fortitudinis) mandibulas etiâm exerceamus, oportet, ne rubigo eas inficiat. Quid tu ad ista, quī palatum habes sapiens, & ventrem sequipedalem?

*Tyr.* Tui dentes edentes semper sunt, & lingua lingens perpetuò: meus venter vento satur est, haud vino: sed dicito quæsumus, bonâ fide, quandò fur futurus es, numquid non crucem metuis?

*Pog.* Cur metuerem? Moriendum est omnibus semel.

*Tyr.* At ignominiosum est pendere in patibulo.

*Pog.* Certè Alexandro, Cæsari, Pompeio, & huiusmodi, qui ex vulgi opinione veram gloriam metiuntur: una verò nobilitas (quæ non famâ sed

virtute fundata est) nulla maculari potest ignominia.

*Crob.* Quæso *Cæsar*, compesce *Tribunos plebis*. Inter se dimicant.

*Tyr.* Heroicos certè geris animos: & dignos vel altissimo gradu in sublimitate crucis.

*Pog.* Ego nihil duco sordidius, quàm in lectulo expirare, & tanquàm in tenebris: splendidius enim est palam in conspectu civium, in coronâ & confessu spectatorum, quàm in angulo quopiàm mori inglorium.

*Tyr.* Pulchrè *Philosopharis*: corona solùm, & Iudices desunt.

*Pog.* Is verò diviniùs moritur, qui evehitur in altum, & ab hac terrenâ face segregatus affinis cœli fit: anima enim ejus minus viæ conficiet, dùm in æthera volat.

*Tyr.* Mihi vero non placet hoc altum sapere. Nàm quid si ad inferos depressenda sit anima, non eo longius restabit iter? Sed experire si lubet: tibi si satis succedat, sequar & ego.

*Cro.*

*Cro.* Edilium famuli plus possunt quam tota Equitum cohors.

*Pog.* Tu pusilli es spiritus, nec habes in te nobilem hunc sanguinem. Tentabo te in rebus facilioribus. Vis mecum aleâ ludere paulisper?

*Tyr.* Alia mihi curanda sunt. Sed undè tibi quod pignores? Vel obulum ego unum præponerem & corpori & animæ tuæ.

*Cro.* Itane? Rectè. Sed quid si hæc nolit hunc Amore ficto fallere? At faciet, quia me diligit Amore vero, nec aliter me, vel libertatem adipisci potest. At quid si iste vel nolit, vel non possit tot nummos aureos dare? Vah, meticulosus es. Potest optime: nec dubium est quin velit, cum in istâ vitam suam positam putet. At si hic eam pretio redemerit, quomodò non fient nuptiæ illicò? nimirum, numeratis & acceptis pecunijs, hanc mortuam esse simulabimus, sicque hunc & hâc & nummis fraudabimus. Confecta res est: decrevit Senatus. *Placet eis, certum est exequi.*

*Tu:*

Tu, Tyrophage, vale.

*Tyr.* Dij fortunent quod inceptas;  
ego abeo.

*Cro.* Eamus, Pogglosic.

## *Actus Quarta. Scena*

Secunda.

*DROMODOTVS, PARILLVS.*

*D.* **N**Vnc Parille, quod inceptimus sedendo, finiamus ambulando, ex quo magis erimus Peripatetici, idque propriissimâ ratione: nam motus excitat calorem; calor, qui igneæ naturæ est, partes sublimiores petit, ibique gignit ingenium.

*Par.* Tùm istoc quidè opus est, ut aut per motum, aut ad ignem se calefaciat: ità frigidus est Philosophus. Pærtexè quæso, si lubet, quod inchoasti: ego memorigerum & attentum præbebo ut decet.

*Dro.*



*Dro.* In hoc igitur contextu nostro, (*Nosce teipsum*) quoad discretam quantitatem plurima; quoad continuam, ponderosa notanda veniunt. Quædam ex parte Subjecti, quædam ex parte Prædicati. *Cognoscere* hic non est audire, gustare, videre, tangere, (nam ista sensuality sunt, & omnibus animalibus conveniunt: animalium omnino quatuor sunt genera, volatilium, natatilium, reptiliū, gressibiliū.) Sed cognoscere, est *scire rem per causas*: (hoc est Axioma) at causæ sunt quatuor, quemadmodum sunt in mundo venti quatuor; & hæ Causæ quatuor similes sunt quatuor primis Qualitatibus; & primæ quatuor qualitates proueniunt à quatuor elementis: Iam has Quatuor, quaternitates appellant, nonnulli *quadrangulum nature*. Natura verò non oritur à sensu, Ergò neque *Cognitio*.

*Par.* Meherculè sic videtur. Nam hujus cognitio prorsus sine sensu est.

*Dro.* Quæritur hic an omnis causa  
facit

facit scire? Respondetur, quod non, nàm excipere debes privationem : nàm privatio causa & principium est per Accidens : nàm absentia rei rem nullam significat : nàm ideò reiicitur à Prædicamentis : nàm materia prima & forma prima sunt constitutivæ causæ, nàm ab istis oritur rerum omnium quasi vivificatio, aut proliificatio quædam.

*Par.* Certè hæc non stolidè, sed solidè disputas.

*Dro.* Præterea cognoscere, non est fluere phrasibus, & habere *tot quot verborum* ; sed complecti rem completè & totalitèr intus, & in cute, cùm omnibus *subsistentijs*, & *inherentijs*. Precipis ista? Ha? Spero, non superant captum tuum.

*Par.* Facis clarissimè jàm vt sciam, quæ nesciebam priùs.

*Dro.* Quod efficit tale, illud ipsum est magis tale. Puer hic glaucos habens oculos, vultum clarum, aurículas tenues, labra non grossa, ex physnomiæ regulis ingeniosus & valde disciplinabilis.

nabilis putandus est. Nam sicut ex urinâ cognoscitur morbus, sic ex vultu mens ipsa. Et quemadmodum humor dominans in corpore manifestat se ex evaporatione per poros, & meatus, sic illud intellectuale primogenium facit apparentiam in facie.

*Par.* Si ità sit (doctissime Magister) optima mei cognoscendi ratio est, vultum ut meum spectem in speculo vitreo quotidie, sicut facit Soror mea. Annon? Quæso dic mihi.

*Dro.* Profectò arguit argutè. Tuum non est opponere, Parille: Attende jam quæ sequuntur.

*Par.* Expecto cupidissimè sapientiam tuam avidis auribus.

*Dro.* Quoniàm ergò, quod ad cognoscendum attinet, congregavi ejus homogenea & disgregavi heterogenea, nunc quid es tu? Nùm caro? nùm sanguis? nùm corpus animatum? Nequaquàm. Nàm, exempli gratià, cùm ego me dico doctum esse, non intelligo crassitiam istam corpoream, non hoc animal  
gradiens,

*gradiens, bipes, implume* (nàm *capo potest* esse hujusmodi) sed formam meam essentialem, quæ sola dat Esse, sed partem eam, quæ dicitur *vires*, hæc est cognoscenda tibi, cum omni potentiâ & entelechiâ ejus.

*Par.* Nunquàm credidissem tanta istis sub verbis latitasse mysteria, nisi te audissem hodiè.

*Dro.* Sed hîc etiàm aliud solvendum est dubium, *Socrates currit*, *Socrates non currit*, in istis duobus contradicentibus non ponitur Socrates pro animâ Socratis: Nàm anima non movetur localitèr. Sed dicendum est impropriè hoc dici, Socrates currit: Nàm currit quidèm, ut animal est, non autèm vt Socrates. Sed de hisce pro nunc: Videbis postea.

*Par.* Ne *Apollo* ipse (cujus hoc erat præceptum) patefecisset ista diviniùs nobis; cujus te summum credo Vatem esse, ità eadem loqueris, quæ ipse (si adesset) loqueretur.

*Dro.* Vidco inesse menti tuæ igneum  
quen-



quendam vigorem, ita judicium das purum & discretum. Nam defendam hoc adversus omnes, si *Apollo* conscripseret Commentarios, in quibus de istis disputaret ad amussim, non potuisset hoc dictum ab eo breviter & implicite, explicitè & largè enodare aliter quam ego, salvâ Philosophiâ.

*Par.* Saltè nunquàm responderet istis rationibus tuis.

*Dro.* Habeo ego in hac causâ sylvam Syllogismorum. Quare dicam audacter; Veniat qui volet.

*Par.* Noster Pedantius non solebat isto modo rationes colligere ex *Sylvâ Synonymorum*, aut *Floribus Poëtarum*.

*Dro.* Ille tecum in punctis Grammaticalibus, in Nominativo, Ablativo, & Verbo nugatur quotidie. Ego te jam altius ad Philosophiam, tanquàm ad Polum Arcticum elevabo. Nam *ibi incipit Ratiocinatio, ubi desinit declinatio*. Sed hæc jam sufficiant: nam omnis saturatione mala, Syllogismorum verò pessima. Eamus.

*Actus*

*Actus Quartus. Scena*

Tercia.

PEDANTIUS.

LYDIO.

**F**Erte opem populares, subvenite mortales, & immortales. Itan' illudj politioris literaturæ professor rem? Quâ in repub. vivimus? Cujus hominis fides imploranda? Qui questus, qui mæror dignus inveniri calamitate nostrâ potest? Minos & Rhadamanthus vtinam reviviscerent, (nam coeteri Dij omnes nectar bibunt otiosi, dùm ego, dùm ego Orator eorum opprimor injurijs:) Audi *Minos*, *minis* spoliatus sum simul viginti per fraudem. Facinus indignum! Persuasit mihi foelicem fore me. Sed ô Solon, Solon, tuum erat illud, *Ante obitum nemo*—.

*Lyd.* Quod si tu ipse jam per aliquot dies Jupiter esses, credo sic non evaderet fulmen tuum.

*Ped.*

*Ped.* Si ille mea vice Pedantius esset, ego nisi ejus injurias ulciscerer, brevi tempore incrimis forem. Quin si vel Rex essem ad tempus, ut haberem cum Regibus *longas manus*, istum ego pestilentissimum latronem reperirem & raperem, ruerem, prosternerem. Vbi, vbi est? Nunc quoniam ( ut nōsti ) Orator sum, quid si in hunc turbulentissimum civem Philippicas nonnullas conscribam, ad imitationem Ciceronis, & Demosthenis: nām nemo reipub. inimicus, qui non idem mihi bellum indixerit.

*Lud.* Tūm verò 'magis hominem affligeres, quā vel Iupiter ipse potest. Sed, obsecro, ne savi tantopore, Caduca fuerunt illa & fluxa bona, & ( ut ipse loqui soles Præceptor ) contemnenda.

*Ped.* Næ hic verè proprio me gladio jugulat. Non id dolco, nummis me meis defraudarier, quatenus quidem homosum, sed quia doctus. Hos enim spoliare, est aperire fenestram ad omnem nequitiam.

*In-*

*Intrant Tuscidilla, Lydia.*

*Lud.* Sed cohibe, quæso, istas querimonias : ego reddam tibi divitias tuas : hæc illas tibi. Nihil harum te ora vultusque moverunt ?

*Ped.* Video, & taceo : sunt, & non sunt divitiæ nostræ. Contemnit Lydia locupletissimū Amorem meum : tamen ( ut fatear quod res est ) postquam aspexi hanc, ita sum recreatus, ut mihi Deus aliquis fecisse medicinam videatur. Age, loquere, ut te videam.

---

*Actus Quartus. Scena  
Quarta.*

TUSCIDILLA.      LYDIA.

LYDIO.      PEDANTIUS.

*T.* Sic est, ut dixi, mea Lydia, servus hic, inops & pecuniæ & ingenij :



ingenij : ille alter sapiens & honorabilis :  
ne negligas.

*Lyd.* Et ego certè Pedantium hunc,  
etsi rejeci sæpè ( quod solemus omnes,  
ubi amamus plurimùm ) tamèn exosa  
sum nunquàm profectò.

*Lyd.* Arrige aures : audin' quæ lo-  
quntur ? Vltrò te appetit, sed auscul-  
ta : noli tu nunc, ubi illa demùm vult ;  
sic par pari referes, quod eam mor-  
deat.

*Ped.* Ignave, non tu nōsti legem  
*Talionis* damnatum esse à Philosophis ?  
Quin si adhuc eam possum adipiscier, si  
quidèm herclè mihi regnum detur,  
nunquàm id priùs persequar.

*Lyd.* Sed metuo malè, ne ( cum re-  
pulsam toties tulerit ) jàm demùm fri-  
geat totus.

*Ped.* Frigeat ? Quod Dij Deæq; omen  
avertant ! Abrumpe moras Pedanti, pòst  
est occasia calva ; Vix adhuc frigeo, ac  
ne vix quidèm, imò potiùs incalesco  
plus satis magis magisque.

*Lyd.* Credo te hic excubias agere  
perpetuò,

perpetuò, sic semper occurris mihi.

*Ped.* Frequens hic conspectus tuus mihi multò jucundissimus, hic autem locus ad agendū amplissimus, ad dicendum ornatissimus est visus (Lydia: ) & sicut corvos cadaver, sic me attrahit odor suavitatis tuæ. Vultu tuo ventilor, tanquàm flabello seditionis; tuis in oculis, ac ( si fas sit dicere ) in osculis etiam lubens habitarem perpetuò. *Te per mare per terras per tot discrimina rerum* ad Indiam usque (vbi cum *Gymnosophistis* disputarem) vel ad *Cataiam* (quæ novus orbis dicitur) sequer, certè comes in via facundus, & (tuâ præfatâ veniâ, si lubet, experiri) certè nuptijs non alitèr sæcundus. Enimvero possides tu me & totum me cum membris & membranis omnibus: tibi me (ô Musa melliflua) do, dono, dedo, dico, consecro, & mactò etiam ad aram clementiæ tuæ. Itaque exiguum munus cum dat tibi pauper amicus, accipito placidè, plenè, & laudare memento.

*Tus.*

*Tuf.* Teſtor meam muliebrem honeſtatem (quam feci ſempèr plurimi) non audiviſſe me unquàm, quem cùm iſto poſſis comparare.

*Lyd.* Tu imperita es Tuſcidilla, nec nôſti doctôrum technas.

*Ped.* Quia video te fraudes ſuſpicari, altiùs paulò iſta repetam. Cùm aulicarum rerum laboribus, ſenatoriſque muneribus eſſem aliquandò liberatus, aut omninò, aut maximâ parte, retuli me (te revocante, maximè) ad iſta ſtudia, quæ pleniffima ſunt amoris, non inania voluptatis. Tu es illa parvula piſcicula, (*Remora mea*) quæ me ad aulam regiam velis (quod aiunt) remiſſe que properantem conſiſtere coëgiſti: tumque Amor meus (tanquàm Socra- tis Dæmon) inſuſurravit mihi, futurũ aliquandò, vt, ſicut *gutta cavat lapidem, non vi, ſed ſapè cadendo*, ſic ego nullis quidẽm meis meritis (nàm non audeo id dicere) tamèn imbribus importunitatis emollirem moroſitatem tuam. Quapropter, vel nunc ſaltèm (quia nunc

nunquàm sera est ad bonos mores via) precor, canas palinodiam, sapias ad extremum, & tanquàm canescas in senectute. Scio omne pulchrum (cujusmodi tu es) esse difficile. Sed, nil tam difficile est, quod non solertia vincat, sum autèm (ut vides) solertissimus: redama me igitur.

*Lud.* Quin si cognosceres tu, quàm multæ, quàm bellæ sint in aulâ quæ istum appetant virgines, (vel foeminae potius) non sineres (credo) tam dulcem bolum eripi tibi è faucibus: Concurrabant omnes undique istam tanquàm Popam aliquam spectaturæ.

*Ped.* Tu audes agere gestum, spectante Roscio? Sine me ista narrare, quibus ego non interfui solùm, verùm etiàm præfui. Me (dùm in curiâ versabar) prætereuntem demonstrabant omnes digito, insusurrantes, *Hic est ille*, (quod nisi Demostheni olim contigit mortaliū nemini) Et venustate nostrâ foeminae forenses captæ sunt, tanquàm pisces hamo. Sed in medio tot Harpy-

arum



arum honestatem interea custodivit am-  
men sartam tectam; quippe qui respon-  
derim singulis, voluptatem corporis  
esse belluinam. Ecce verò jam hoc tibi  
offerò munusculum levidense; limpi-  
dissima Lydia.

*Tus.* Mihi huic per omnia similem  
maritum Dij.

*Ped.* Gratissima mihi hæc est bene-  
volentia tua; quare gratias ago, habeo  
semper, referam aliquandò. Aptè mihi  
videtur ista tria distinxisse. Sed non  
omnibus dormio: huic habeo, non tibi.

*Lyd.* Quid attinet reprimere diu-  
tius quod nequit celari? Ego te (mi  
Pedanti) jam diu quidem amavi plu-  
rimùm: sed, ut tuam certiùs fidem  
experirer, non ausa sum id profiteri.  
Nunc cum te tentaverim satis, gaude,  
habe, accipe tuam tibi.

*Ped.* O aureum flumen orationis!  
Hæc est certè melle dulcior oratio,  
(quod de Nestore suo cecinit Homerus)  
dies hic est festus, & niveo signandus  
lapillo: Tibi gratulor, mihi gaudeo.

Conjugati nunc erimus nos duo sub eodem iugo conjugij, nam Lydia virgo habebit *Lydium lapidem* (sic enim me nominabant olim Academici, propter sincerissimam normam judicij) Iamque juro tibi per tuam virginitatem (cui me pluribus nominibus devinctum video) non igne, non aqua, non aëre, non terrâ, non cælo me pluribus locis vsurum, quàm nostrâ amicitia. Næ tu nunc verè virgo Vestalis es; non quia vestibus induta, sed quia sanctissimum hunc ignem pectoralem amoris mei foves & refocillas.

*Lyd.* Tibi quod gratum est, mihi & idem est gratissimum.

*Ped.* Eleganter, ut omnia; tres Gratia sunt in labellis, & videor mihi ore tuo non *Mussas*, sed *Musas* loquentes audire: anhelitus tuus est aurum patabile: Te dum fruor, in campis sum Elysijs: Caro tua remedium est contra mortus aspidis (videlicet amoris mei:) Denique (ut contraham omnia in compendium, seu epitomen,) tu es

ac-

accumulatissima quædam *Cornucopia* mea. Quare non dicam, ( ut Pamphilus ille Terentianus ) valeant, sed certè pereant, qui inter nos dissidium volunt.

*Tus.* Sic gestio præ lætitiâ, ut vix sim apud me. Vos Venus & Iuno mature hoc matrimonium.

*Lud.* Aliquid & mihi ex hac re lucrî cõtigit. Nàm hæc virguncula mitigabit ( vti spero ) non nihil istius in virgis & plagis validam valdè virilitatem, & matrum nostrarum minuet querelas contra severitatem ejus.

*Lyd.* Ego, ut hoc homine repudiato inertissimum illum *Crobolum* eligerem, Nunquàm faciam. *Ad corvos? Crobole.*

*Ped.* Hoc quidè esset *ab equis ad asinos* ( ut dicitur. ) Itaque ( si me amas ) illud putridum brutum detestari debes odio plusquam Vatiniano. Esses cùm eo *Culinaris*, necum eris *Curialis*. Vtrum horum mavis, accipe.

*Lyd.* Ego nisi te, volo neminem; sine quo vitam mihi acerbam ducam.

*Ped.* Ergò quoniàm mora trahit periculum (juxta regulam vulgarem) perfice hæc protinùs—*Semper acerba sunt in Amore mora.* (more, more, Echo resonat in voce ultimâ.)

*Lyd.* Parvula quædam restat nobis ista in re difficultas. Nam senex hic intùs decrepitus Charendas, nisi minas accipiat triginta, liberam me non dimittet.

*Ped.* Papæ! jugulasti hominem. Triginta? Hunc solve nodum. Iam animus est in dubio; scrupulus hic me malè habet. Sed nunquid Triginta?

*Lyd.* Triginta, nec obolo mirùs. Nunquid tu Lydiam tuam minoris estimares?

*Ped.* Imo pluris. Sed tibi darem potius quam illi filicernio, qui cernit filices decrepitus carnifex. Huius triginta. Unde?

*Lyd.* Magna certè res agitur: non solet iste ita diu deliberare, quicquid est benè còstitum dabit.

*Ped.* Homines omnes quicunque  
quale-



qualescunque sint, interrogat nunc Pedantius, numquis authores omnis generis exactissimos, Græcos, Latinos; veteres, neotericos coemere velint hodie. Hos cum satis jam superque ad contemplativum usum legendo, scribendo, commentando ornaverim, & annotationibus marginalibus tanquam gemmis aut stellis deauraverim, placet nunc ad activum finem referre. At nullus est præstantior actus, quam hoc ipsum nubere: hoc nummis effici potest, arte non potest. Asinus onustus auro, vel arces ipsas expugnabit, & ego (si magna parvis componere licet) hanc ut adipiscar, pecunijs meis impedimenta omnia remouebo: dabuntur seni (coniux mea) quæ vult.

*Lyd.* Tum ego dabo tibi me in perpetuum, Pedanti.

*Lud.* Liceat quæso (suavissima Domina) unum quoddam minutum à te petere, ut quoniam Herum hunc meum (planè herca ac semideum) ita jam violentè amas, dignetur etià bonitas tua

me quoque pusillum ejus quasi appendicem, ipsiusque umbram diligere pauxillum.

*Ped.* Quem ego adventantem procul conspicio? Cogor hic finem imponere ex abrupto. Pecuniam istam (mea conjux) parabo sine morâ. Tu, Ludio, responde huic me non esse domi.

*Lud.* Quid tam præcipitanter à nobis avolat? Ego experiar, quid fiet. Vos introite, valet.

*Actus Quartus. Scena  
Quinta.*

GILBERTVS.

LVdio,

9. **N**Equeo, quod quæro, invenire nomen; ita multi in hoc codice meo incarcerati continentur, ut singulis distinctas sedes seorsim tribuere nequeam: sed nunquam desistam donec invenero, quem volo.  
Hic

Hic jam fortè fortuitò incidi in alium—Cro. Crob. (quem oportet etià convenire) amatorem scilicet lepidum, astutum carnificem *Crobolum*, qui meà ex officinà totus jam splendet. Auge bonum pretij, nisi solvat bre. vj. At iste garrulus, nixidus, gracilis, splendide vestitus (sed meo sumptu) ubi demum latitat? Pe. Pe. Pe. (percat male) *Pedantius*. Tandem reperi. Nunc si possim convenire hominem aptè, dabit mihi pœnas illicò, efficiam ut legat hunc paulisper librum Characteribus insignitum pulcherrimis. O quàm turgent lineæ gravidæ. Verte folium.

*Lud.* At ego te memoritèr hodie (ne inspecto quidè unquàm libro) ludam, ut libitum erit.

*Gil.* Adhuc plura. Item Panni nigri optimi ulnæ septem, cum di: qua: Item, Holoferici trium pilorum ulnæ tres, & di. Item Setini ulnæ quatuor. At at de *Setino* addenda est figuræ binariæ cauda, ut fiat ternaria; Textus meus est difficillimus solutu: hic

demum griphi sunt, & Crocodolites :  
 Meus liber devorat istos Academicos  
 libros & in nihilum redigit. Nàm ego  
 nuper in Academia cùm artem exer-  
 cerem istam, potui vnico hoc meo au-  
 thores reliquos quoscunque illorum  
 refutare, sedibusque suis deturbare.

*Lud.* Hic eò venit, quantum  
 conijcio, bibliothecam universam Pe-  
 dantijs nostrj ut expugnet & auferat. Sed  
 ego me hujus opponam furori, quasi  
 aggerem aut turrim aliquam advor-  
 sum in via.

*Gil.* Ex omnibus debitoribus no-  
 stris nulli sunt tam Periuri, quàm  
 Scholares isti : qui (freti fallacijs suis)  
 non curant Argumenta nostra etiàm  
*ab authoritate.* Nos ex singulari nostro  
 Amore, & mero motu misericordiæ  
 permittimus, ut in hoc Registrum &  
 penetrale nostrum veniant, sicque au-  
 ferunt à nobis non solùm laneos pannos  
 præstantissimos, sed etàm vestes bom-  
 bicinas & sericas, sericum Damasce-  
 num, sericum rasum, sericum villosum,  
 &



& denique quid non? Namque ita lautè vestiti incedunt, ac si essent generosi *Templarij*. Sed non pretium est persolvendum, subducunt se callidè. Si pultemus cubiculi fores, respondent, se non esse intus, curant se abesse peregrè, aut imperiose denegant. Quis tu es? Quid mihi tecum? *Non sum, non possum, non libet esse domi.* Tùm, nè à nobis conspiciantur, clàm per posticum & angiportus quosque subrepunt quasi mures. Quòd si fortè inopinantes nobis in plateâ occurrerint, tanquàm si lupum vidissent, ne unum proloqui verbum possunt. Eorum unus nuper mihi roganti debitum, Quid opus, inquit, est tanta importunitate? *Amplius deliberandum censeo.* Quid suspiciosè me insectaris? Non sum fugitivus; Vos oppidani nos Academicos viperino mordetis morfu. Sed eccum percommodè puerulum debitoris mei.

*Lud.* Nemo præceptorem exeuntem istuc vidit quisquam meum? Miror quòd abierit: Adest intus qui præstolatur

cum, a Rege nuncius cū nummis multis, ijsque aureis, quem ut reperiam anhelando, sudando, succum huius corpusculi profundam certè universum simul.

*Gil.* Vah, consilium validum, sæpe ego, istuc veniens, talibus illusum sum dolis. Siste gradum puer: scio ego, quem quæris, ubi est.

*Lud.* Dicas igitur statim, obsecro: molestus es istac morâ.

*Gil.* Converte te istuc, quin istac inquam. In illis est ædibus.

*Lud.* Dic, quod rogo. Scio enim hîc habitare: Ludis me igitur quisquis es. Vbi jam est?

*Gil.* Nec tu nôsti, obsecro? Quàm astutè simulat simia!

*Lud.* Novi certè quodammodo, scilicet hominem esse, te non truncum, non lapidem, non lutum, non brutum (nisi forte sis *Oppidanus*) neque vero sceminam, ut suspicor, nec puerum, nisi moribus fortassè.

*Gil.* O puerum castigandum! Ob-  
serva

serva me diligentius paulò. Nec dùm nôsti?

*Lud.* Non es certè peregrinus (nàm ocreatus non es) nec doctus (novi enim clarissimè quosque doctos.) Dic igitur quis es?

*Gil.* Imò doctus sum. Non vides librum hunc? Volumen magni pretij.

*Lud.* Nugari hîc mihi tecum non est otium: apage te.

*Gil.* Nec meministi caligas istas undè acceperis? Adhuc haud emptæ sunt: nam pretium non est solutum.

*Lud.* O! credo me somniasse jàm diù. Videon, ego mercatorem nostrum panarium? Salvere te jubco oppidanorum nostrorum, qui sunt, quique fuerunt, omnium optime-maxime. Quæso igitur per tuam honestatem, quæ non solet quenquam fallere, (nisi credentes, aut debentes) mitte jocos hos, & dicas tandem seriò ubi est Pedantius meus?

*Gil.* Hic est, vide. Hac in paginâ cubat: & nimium diu recubavit.

*Lud.* Exeitemus eum. Hô Præceptor

tor expergiscere, surge Domine, fures in nos irruunt.

*Gil.* Vtinàm adesset, te castigaret; aut ego illum castigarem probè.

*Lud.* Tuas verò castigationes in Ciceronem? Non convenit.

*Gil.* Relinque tandèm ista puerilia : abi, investiga præceptorem: ego interim intus eum domi vestræ præstolabor vnà cùm illo nuncio, qui nummos attulit.

*Lud.* Mane, quæso, ne facias. Regius ille, quem dixi, nuncius clàm venit, nec vult a quopiam se conspiciari : si placet itàque tu ipse quæsitum hunc abeas : ego defessus quiescam intercà.

*Gil.* Video jàm alio redeundum esse tempore. Sed non multum hoc auferet. Litera scripta manet. Faciam ut hujus laboris mei fraudisque suæ poeniteat eum.

*Lud.* Nunc postquam hic abierit, quid non & ego abeo?

*Actus*



*Actus Quintus. Scena*

Prima.

PEDANTIUS.

BLETVS.

P. **V**Bi, vbi ille scelestus est qui me fugavit modò? Nemo virum me timuisse cum putet. Quin utinàm daretur jam rursus mihi, quam ego illum constantèr & sobriè refutarem? Sed prætermittam ea omnia, quæ de illo flocci vendulo flocci faciendo exactore pannario dici possent: alius erit narrandi locus. Accedo ad rem. Tu Blete (cui inesse debet & fides & prudentia, cum jam adultior fies) agas, quæ agenda præcepi, fidelitèr.

*Ble.* Si suspectam habes honestatem meam, habi tibe rursus nummos tuos, scias me ex ea stirpe, & ijs majoribus progenerum esse, quorum nemo unquam repertus fallax est.

*Ped.* Vide quid sit esse rusticum. Ego Orator parum vehemens, dulcis tamèn,

tamen, volui te currentem incitare calcaribus verborum, suspicax non sum, tum quia mihi verè generosa mens est, tum quia te Amo.

*Ble.* Et ego tesci Amo vicissim, ut vel mille minas tuas per universum terrarum orbem nudis pedibus deportarein, si juberet.

*Ped.* Sed non jubeo. Nunc (ut cò revertamur, undè deflexit oratio) dicas præterea Lydiæ, esse apud me acervos magnos & multos auri; tanquam tritici, & dicas audactèr interposito (si opus sit) juramento. Nàm nihil tam incredibile, quin dicendo fiat probabile.

*Ble.* Et addam etiàm te totum esse aureum, intùs & extùs. Ego tibi incredibilitèr obsequens ero.

*Ped.* Imò partim aureum, partim carneum esse dicas. Nàm si mihi nupserit, nec habebit aurum sine viro, nec virum sine auro (juxta *Themistocleam* illud.) Hos insupèr tradas ei aureos & altitonantes versus, festinanti quidè. n. calamo conscriptos : sed è quibus intelligere

telligere possit Musas meas non esse  
 mutas, sed nostras Camœnas amœnas:  
 audi: *Vnam semper Amo, cuius non  
 non solvor ab hamo: ô Deus in quantis*  
 (hic subaudi vel curis, vel gaudijs) *ani-*  
*mus versatur amantis.* Reliquos taceo,  
 secreta enim non enarranda continent.  
 Et simul cùm aureis tradas ej hunc au-  
 reum Annulum, cui emblemata insculp-  
 tum est, *Cor sagittâ transfixû*, cùm hoc  
 dicto. *Venus Venatrix.* scilicet Venus  
 Lydia est, Sagitta Amor, Cervus  
 Cor meum. Et simul cum Annulo  
 apporta hæc carmina Commentarij  
 loco:

*Cōpede cōstrictus, te loq; Cupidinis iētus  
 En tuus est Cicero; Tu fer opē misero.*

*Ble.* Profectò carmina verè Aurea,  
 & plus quam Ovidiana, si è filice nata  
 sit, tamen hæc legendo Tibi in amore  
 obsecundabit. Dato jam eos mihi: nun-  
 quid aliud vis?

*Ped.* Ut peragas ista fidelitèr.

*Ble.* Quasi istoc opus sit hortatu.

*Ped.* Et prudentèr.

*Ble,*

*Ble.* Obtundis intelligo satis.

*Ped.* Et honestè.

*Ble.* Nimis monendo immemorem facis.

*Ped.* Pecunias illas & Annulum nulli mortali des, nisi Lydiæ meæ.

*Ble.* Scio. Nec puto immortales ullos à me eas rogaturos.

*Ped.* Vidè ne obliviscare ; Lydiæ desinquam, ipsi Lydiæ in manus.

*Ble.* Memini, vale.

*Ped.* Mane. Memento etiàm, ut revertare denuò.

*Ble.* Putasne me abiturum fugâ ?

*Ped.* Memineris fidem esse præstantissimam virtutem: quæ inde nomen habet quia per eam fit quod dicitur.

*Ble.* Fiet per me, quod per te jam dicitur.

*Ped.* Agas igitur in hac causâ meâ sincerè, simpliciter, integerrimè, perfectè, adeoque verè. Tu fortassè putas hîc tautologiam, seu battologiam esse in sermone meo : sed erras. Nam hæc plurima collecta synonyma apertius de-



demonstrant quid velim; *Iam faueat  
cœptis aura secunda meis.*

*Ble.* Abeo, trado, redeo.

*Ped.* Nunc quoniam vacat, dum  
iste revertitur, ut occultetur quid  
conor, ad prælegendi me munus per-  
sonamque revocabo. Parille, Parille,  
exito.

---

*Actus Quintus. Scena  
Secunda.*

PARILLVS.

PEDANTIVS.

*Par.* **H**Em tun' hîc eras, Præ-  
ceptor venerande? Quid  
me vis?

*Ped.* Parille mi, optime spei adoles-  
cens, volo jam ut prælectioni nostræ  
vaces aliquantisper: orationem enim  
Latinam audiendo nos efficies pleni-  
orem.

*Par.* Malè mihi sit, si quicquam  
malim

malim: beaſti me iſtoc verbo, nàmque unum hoc in votis erat jàm diù, inſtrui ut poſſem præceptis inſtitutiſque tuiſ.

*Ped.* Proponam, quod erit & ætati tuæ aptiſſimum, & authoritati meæ. *Cedant arma toga, concedat laurea lingua.* Seriò irasco*r Iuvenali*, qui Poëticam Ciceroniſ facultatem non laudibus, ſed ſannis perſequitur. In aureo hoc verſiculo vnumquodque verbum eſt ſanè efficaciſſimum, & ità gravidum pregnanſque ſignificationibus, ut erat equus Trojanus principibus Græciæ. De quibus ſingulis poſſem dicere myſticè, & tropicè, & anagogicè, & moralitèr; verùm nunc agam pingui Minervâ, pro modulo capacitatiſ tuæ.

*Par.* Expectate plauſtrum ineptiarum, vincet. hic opinionem veſtram. Mihi ſumma ſimulanda diligentia eſt.

*Ped.* Primum (*cedant*) eſt vocabulum violentum, & debet pronunciarĩ emphaticòs, cùm majeſtate, aptum eſt imprimis ad ſtilum grandem ac Imperatorium, & ab hoc tanquàm à radice  
(ut

( ut loquuntur Hebræi ) derivantur verba plurima, *accedant, recedant, abscedant, discedant, secedant*, & his similia: significat autem tantum, ac si dicerem, *cedant*, vel si quid cogitari possit sublimius.

*Par.* Cùm videam eum tanto-pore moveri, ego expediam; Valet idem quod *dare locum*: annon?

*Ped.* Id ego idem volui, sed gestu hoc potius exprimendum putavi quàm verbis. Proximum vocabulum (*arma*) licet definit in A, non est tamèn (quod dignum notatu est) fœminini generis, sed neutrius: Vndè Virgilius, *Arma virumque cano*: & habet in singulati (ni fallor) prorsus hîc hæreo; sed dicam tamèn audactèr & magistralitèr; meâ quidem sententiâ (si benè memini) *hoc armum*. Quid dicam? ha!

*Par.* Infaustum herclè hoc verbum est, quo jàm hic à tranquilla pace miras in turbas conijcitur.

*Ped.* Sed potius (nàm antè lapsus erat linguæ) quod magis credo, &  
ut

ut placet plerisque, nullum habet singularem numerum omninò.

*Par.* Certè non memini audivisse me unquàm *armum* in singulari, sed nunc deinceps (tua fretus autoritate) vsurpabo: sic etiàm & reprehensoribus respondabo, *Ipse dixit.*

*Ped.* Est interdum apud priscos Grammaticos, sed rarò aut unquàm. Tu verò primum me, deinde Cicero-  
nem quasi puriores Latinitatis authores sequaris, ut te omnes Pedantij discipulum possint agnoscere: odi enim ego omnem incongruitatem.

*Par.* Non ego tui vel minutissimam particulam ingenij unquàm potero imitatione vel assidua assequi: Ita superat multis gradibus excellentia tua cœterorum omnium mediocritatem.

*Ped.* Ne desperes, Parille, Labor improbus omnia vincit. Vbi *improbus* capitur (ut vides) in bonam partem. Nos doctissimi habuimus etiàm (sicut nunc tu,) infantiam nostram. Sed ad ea quæ in manibus habemus: verbum  
tertium



tertium, vel potius vox tertia (*toga*) est scēminini generis sine omni controversiâ. Ratio autem hæc est, quia omnes scēminæ togatæ sunt. *Concedat*, idem est quod *cedat*, nisi quod addatur syllaba una ad complementū carminis *con*: videlicet (*videlicet* autē est, ac si dicerem, *videre licet*.) *Laurea & lingua* sunt etiā scēminini generis, sed lingua potissimum. Eho perstrinxi scēminas omnes, præter meā Lydiam. Sed de his singulis (quia nolo ijs diutiùs immorari) quære *Callepinum* qui vobis est *Calliope*, sive inter Musas pulcherrima.

*Par.* Si ille mihi non satisfecerit, te consulam denuò.

*Ped.* Adde quod hoc in loco etiā figura quædam est Rhetorica (cuius nomen jām mihi non occurrit) nempe cū unum ponitur pro altero.

*Par.* Annon synechdoche? vel potius Metonymia?

*Ped.* Rectē. Toga enim est Insigne gravitatis, & apud Romanos, (ut testantur historiæ) multæ erunt togæ; sicut

sicut etiã colligitur ex hemistichio  
hoc Maronis, *Gentemque togatam*. In-  
de nos Magistri sumus omnes togati  
& pileati, quia Romanos antiquos La-  
tinitate imitamur, imò superamus. No-  
tandum etiã est, hæc legi à plerisq;  
sic, *concedat laurea laudi*, non autẽm  
linguæ: sed eundem in finem ista reci-  
dunt. Nam, quia omnis laus in lingua  
consistit (nempè quatenus vel laudat, vel  
laudatur) ponitur interdum Metony-  
micè *Laus pro linguâ*. Hæc Grammati-  
calitèr ad verbum, nunc Philosophicè  
ad sensum, sed paucis, & paraphrasticè.

*Pra.* Me habebis attentissimum;  
admiror enim elegantias tuas.

*Ped.* Optimè, sic enim eris ingenij  
nostri partus aureus: *Cedant arma  
toga, concedat laurea linguæ*. Quasi  
dicerem, cedant Imperatores bellici  
Pædagogis pacificis: cedant bombardæ  
horrifonæ fulminibus forensibus: ce-  
dant fures omnes & oppidani nobis  
literatis, qui sumus oculi reipublicæ.  
Tum toga est prior tempore: nam  
nemo

nemo aptus est ad arma, antequam togam virilem sumpserit, & *naturâ*, nam arma sunt violenta: omne autem violentum est contra naturam: & *honore*, nam suscipiuntur arma, ut in pace vivatur. At pax & toga confunduntur. denique & *ordine*, nam ordo Senatorius Togatorum est. Ergo (ut hoc Epiphonemate tanquam sigillo claudam omnia) *Cedant arma toga, concedat laurea lingua.*

*Par.* Moriar, si te quisquam esse possit copiosior.

*Ped.* Copia mea deterret sanos homines à scribendo: sed vnum addo, laurus, vel laurea dicitur tanquam *laudea*. Vnde laude digni sunt laureati, vel lauriferi, ut Poetæ, ac inde dicti Bachalaurei, quorum laureatissimi si mecum linguâ conferantur, eos ego Oceano orationis meæ ita madidos reddam, ut erat Marcellus ille, quando perijt in mari. Tu Parille cave hoc naufragium.

*Actus*

*Actus Quintus. Scena*  
Tertia.

GILBERTVS. PEDANTIUS.

PARILLVS.

*Gil.* **S**alutis impertio tibi plurimum, venerabilis magister Pedanti.

*Ped.* Salutis? Minimè verò. Quid agam, Quo fugiam, Quo me vertam, Patres Conscripti?

*Gil.* Quid? Ne respicere quidèmm soles, qui te salutant?

*Ped.* Amicissime Gilberte noster, quæso ignosce, quod te neglexerim, cum hercle non noverim. Cur tu ità rarò ad nos peregrinus jàm his in locis & hospes es (in quo quidèmm irascor tibi) veletiam *hostis*, nam hoc erat nomen hospitis apud antiquos olim Romanos, ut testatur Cicero in Officijs. Sanè humanitèr faceres, si sæpiùs nos inviseres. Propino jàm tibi salutem plenis faucibus.

*Gil.*



*Gil.* Potes ex codice meo conjicere, quid velim.

*Ped.* Non quaero, quid velis, mi Gilberte, sed cur tu in his regionibus tam insolens adsis? Perstrinxi hominem hoc vocabulo facete. Nam *insolens* non solum peregrinum significat, sed superbum etiam: & hoc ego volui, siquidem me aggressus est imperiosè admodum.

*Gil.* Quoniam extorquere vis, scias me saepius huc advenisse, tecum ut agerem de gravissimis rationibus: semperque lusa opera est: itaque nunc certè mirificè gaudeo, praesentem hinc te tandem contueri.

*Ped.* Si nihil aliud velis, quàm contueri, à capite ad calcem usque perlustra ut lubet, vultum hunc meum, cultumque corporis (à *colo*, *colis*, non tamen cum colonus, aut agricola à *colo*) Vox eadem, sed mens alia.

*Gil.* Imò aliud est quod tuam opera adferri potest amplius.

*Ped.* Tu jam i intrò Parille, &

H

Dro.

Dromodotum huc, ut ad me exeat,  
quamprimum iubeto, si me saluum aut  
vivum videre velit.

*Par.* Faciam. Valetudinem tuam  
cura diligenter, vale. *Exit.*

*Gil.* Nôsti manum & stylum hunc?  
Vides subscriptionem? *Hasce merces  
nomini meo suppositas anno & die præ-  
scriptis agnosco Pedantius.*

*Ped.* O, attende, *Merces suppositas*:  
hoc est, merces illæ tuæ erant *suppositi-  
tiæ*, fucatæ, fragiles, futiles, non utiles,  
non solidæ, non genuinæ. Possem qui-  
dem te in jus vocare *de dolo malo*: (Sed  
ego clementiam semper colui, ut ma-  
iorem meam) officiorum tertio, *Aquilus*  
*de dolo* formulas dedit.

*Gil.* Imò verè ego neminem metuo  
*de dolo*. Vendo quales alijs solent.

*Ped.* Subscripsi forte de mercibus,  
sed non de pretio: nec debui sane. Nam  
inter ferrei seculi corruptelas recensetur  
apud Poëtam; *In pretio; pretium nunc  
est.*

*Gil.* Doctissime Domine Pedantj,  
apud

apud me Poeta non sunt in pretio, sed pecunie prae manibus soluta. Illarum autem mercium ego pretia scripsi profecto quam minutissima. Reliqui panarii obmurmurabant se per me depauperandos.

*Ped.* Tu dicis fieres ex eorum paupertate. (Sed vetat hoc regula Catonis.)

*Gil.* Pannus ille pro togistuorum discipulorum certe profecto erat quasi donatus.

*Ped.* Donatus? Fuit ille quidem celebris Grammaticus, sed, postquam ego florui, sordet attritus & proiectus, quasi pannus vetus & sordidus in sterquilinio. Itaque jam non laudasti hanc mercedem tuam.

*Gil.* Non laudare jam volebam mercedem, sed pretium exiguum, ita ut verissime dici possit, non digno pretio venditus, sed quasi semi-donatus.

*Ped.* Oportuit quidem semidonarj. Nam erat semipannus (vox haec nititur exemplo semicirculi: & apud Ovid. Semibovemq; virum, semivirumque bovem.)



*bovem.*) Ideo puerorū meorū togæ sunt *semilongæ*. (quasi in carmine pes *pyrrhichius*, vel potius *tribrachys*.) Pannus tuus imbre aspersus nā contraxit se, ut novitij Oratores in, vel potius *pro*, *Rostris* dicturi (nam *Rostra disertus amat*) metu iudiciorum, quasi tempestate perfusi & percussi, se solent contrahere.

*Gel.* Ego pannum non conficio, sed ab alijs confectum vendo. Atqui ex serico illo *Setino*, quod in thoracem emittas, prorsus nihil lucrari statuo. Londinij ad singulas ulnas in pecunijs numeratis constabat — Quid? ha. Errare nolo. S. S. P? Ita, recte meminij. S. S. S. nempe binos coronatos cum dimidio. Ego tantundem hic posui. non obulo plus. Vide, lege.

*Ped.* S. S. P. Mysticè & Charactericè, siue hieroglyphicè. Rectè. Quoniam æquum est ut aliquid lucreris ultra sortem (Nam *sorte sua nemo contentus*) ego tibi pro singulis ulnis resoluam lubentissimè & liberalissimè S. P. Q. R. quod



quod tantundem valet ac *Senatus Populus Que Romanus*, ita te reddam dit-  
torem ipso *Crasso*, qui cognomine vel  
cognomento *Dives*. Nam *Pop. Rom.*  
id est *Populus Romanus*, qui tot exer-  
citus alebat, erat illo ditior, & habebat  
in *Capitolio* vel in *arario Sestertia* na-  
viscio quot millena millia. Et ego doce-  
ba te computare sestertia ad valores &  
nomina modernæ pecuniæ.

*Gil.* Ego nolo æs Romanum, quod  
non est pecunia currens hodie, neque  
vnuquam cogito capere *Capitolium*.

*Ped.* *Capitolium* olim captum est  
sapius: primo à Gallis. Galli per du-  
mos aderant, arcemque tenebant. Teste  
Virgilio. Commemorat autem Cicero  
meus alii solitos in *Capitolio* anseres.  
Hoc animal imbellè est, sed vigil, Testor  
ipsum Iovem. Anseris & tuum voce  
fuisse Iovem.

*Gil.* Per Iovem ego nolo anseres  
tuos. Mitte hæc, legenda discipulis tuis.  
Lege, quæso, quod me & te attinet, per-  
curre paginam totam. Lege distinctè,  
si vis, singula.

*Ped.* Quid? num tu me putas non posse legere?

*Gil.* hñd etiam intelligere posse scio.

*Ped.* Revera, legere & non intelligere negligere est. Sed ego libentius in libris impressis quam Manuscriptis versari soleo, manu diurnâ nocturnâque. Deinde videam Codicē tuum. Nonne dicturus eram? Ita est. Quid hoc? quid illud? Certe scribi quasi scalpens gallina. Quis unquam præter te aut Sibyllam legeret? Vah. Facis *litteras Judaicas*. (hoc volo eum esse *Judæum*.)

*Gil.* Ignosce vero mihi de scriptione. Nos non sumus scholares.

*Ped.* Ignosce tu mihi de solutione, Quia *Non omnia possumus omnes*.

*Gil.* Satis iocatus es, iam non quæro ut legas, sed ut respondeas seriò. Solve quaestionem meam, solvendo debitum libera nomen tuum. Quid respondes?

*Ped.* Simenides, hum ha, Simenides.

*Gil.*

*Gil.* Nomen, quod ego appello, est *Pedantius*, non *Simonides*. age.

*Ped.* *Simonides* in arduissima quaestione *Hieronis*, deliberandi causa, unum sibi diem postulavit, postridie vero bidduum petijt, & deinceps duplicavit numerum dierum. Haud aliter ego in hac nodosa interrogatione jam diu perplexibilitèr contortus cogor à te (qui es alter *Tyrannus Hiero*) aliquot dies ad cogitandum postulare: quia quanto diutius considero, tantò mihi res videtur obscurior.

*Gil.* Ego nihil moror obscuritates tuas. Dic planissimè; numquid non persolvendum putas, quod debes?

*Ped.* Scitè certè ut omnia meus Cicero; Est illud animi ingenuj, cui multum debes, eidem plurimum velle debere: à cuius ego latere ne latum quidem unguem discedere statuo. Sed tamen Omnia tempus habent: Non semper fulget Phœbus, nec adest semper regina pecunia.

*Gil.* Oh! cares pecuniâ? At interim ubi fides?



*Ped.* Non est apud *Pænos*. Nàm ij sunt fœdisfragi. De meâ verò fide tota patria loquitur, loquuntur omnes boni. Sed hoc quidem tempore ultrâ posse non est esse.

*Gil.* At creditores mei satisfieri sibi aliter à me volunt.

*Ped.* Ah, nè agas mecum ita severe & Stoicè: si scires quantâ passa esset dudum carnificinâ crumena mea, redigeres, sat scio, in gyrû rationis hanc rigidâ & plusquam Catonicam censurâ tuam.

*Gil.* Accepisti à me merces optimas: redde nunc nummos.

*Ped.* Optimas ab optimo ipse optimus accepi: Concedo omnia.

*Gil.* Taces autem de reddendo. Quin igitur optimas optimo persolvas tandem pecunias. Alioquin non es optimus.

*Ped.* Nimium es vehemens feroxq; naturâ. Non te pudet sic urgere jacentem? Quod defertur, non aufertur, vix optime. Si quid sit in me honestatis, (quod sciunt omnes non esse exiguum) reddam omnia ante proximum plenilunium.

*Gil.*



*Gil.* At mihi jam eundem est ad nundinas.

*Ped.* At mihi nihil faciendum invitâ *Minervâ*, id est, si non sit vendè. Sed mittamus ista *πάρεργα*. Quomodo valet vxor tua matrona gravissima? Audio jam gravidum esse: Iuno, Lucina fer opem, obsecro.

*Gil.* Nos, qui uxores & liberos has benius, non convenit dicta pro debitis accipere, Verba non alunt familiam.

*Ped.* Imò certè si Ciceroniana. Dromidotus meus est vel Dromone quovis tardior: hæc enim etymologia nominis eius.

*Gil.* Ego ferre nequeo procrastinationes istas. Merces mihi emendæ præsentî pecuniâ, non sententijs.

*Ped.* Habes confitentem reum: tantum tibi debeo, quantum hominem homini debere fas est.

*Gil.* Omnino hoc tibi verè excidit, fas non est, neque erit. Video mihi deinceps lege agendum esse.

*Ped.* Eodem revolvêris. *Necessitas non habet legem.* Sed ecclum, tandem adest amicus quidam meus, quicum necessaria negotia intercedunt mihi. Iam ergò, præstantissime Gilberte, salus ipsa te nobis & reip. diutissime servet incolumem.

*Gil.* Heus, edico tibi, nisi nummos paraveris in diem crastinum, in ius te traham; vale.

*Ped.* *Qui non est hodiè, cras minus aptus erit.*

## *Actus Quintus. Scena.*

*Quarta.*

*DROMODOTVS.*

*PEDANTIVS.*

*D.* **Q**uid tibi cum istoc erat commercij? Videtur ex habitu unus ex *brutalibus* istis atomis plebeijs & extra nostram intelligibilem sphaeram positus.

*Ped.* Est unus ex debitoribus meis, quos habeo plurimos pessimæ fidei: quem

quem, quia non satisfacit mihi, obiurgavi mediocriter.

*Dro.* Mediocriter? Rectè: virtus enim est *mediocritas inter duo extrema*. Sed cur non Amas etiam mediocriter & (significantius loquendo) *virtuose*?

*Ped.* Respondebo tibi negatione duplicatâ. Nec, quam Amo, est res mediocris, nec Amor meus diffluit extra ripas rationis. Vides hîc geminatum esse *nec* vocabulum negativum concinnè admodum, per figuram *Anaphoram*.

*Dro.* Sed cur me jam accersivisti? Malè tibi faciant propte. eâ omnes planetæ nuptiales. Erat acumen meum occupatissimum circa longitudinem, latitudinem, profunditatem *mundanæ identitatis*, & (nisi tu me avocâsses) percurrissem (ordiando ab elemento primo *Cognoscibilitatis*) universam scalam naturæ, in qua inest & *occultum oculi*, & *non occultum non oculi*. Sed quid jam? Itantne res tuæ fundamentalitèr adhuc? an potius metuis contingentia  
quæ.

quædam? (quanquam potest controversi  
ti an ulla sit fortuna omnino.)

*Ped.* Acta jam & transacta sunt om-  
nia, uti spero.

## Actus Quintus Scena

### Quinta.

*BLETYS.*

*PEDANTIUS.*

*DROMODOTYS.*

*Ble.* **H**ere, nuncium apporto  
triste, ac dolore te iubeo.

*Ped.* Dolere verò verberò? Amat  
nè me Lydia?

*Ble.* Maximè quidè, aut perbellè  
simulat.

*Ped.* Tum doleat qui volet, ego la-  
tabor. Nàm si appropinquante Phœbo  
prata rident (ut ait Virgilius) cur non  
ego hujusce Solis mei radijs amatorijs  
recreatus gaudebo similiter? Non potes  
efficere ego ut doleam.

*Ble.* Nummos, quos misisti—

*Ped.* Quid ais? perfide.

*Ble.*



*Ble.* *Lydiæ tradidi in manus simul universos.*

*Ped.* Factum pol bene: facient hæc, ut ridendo fortassè doleam: quod memini legisse me de quibusdam.

*Dro.* Profectò non est id impossibile; nam si fortè splen (instrumentalis pars risibilitatis) extendatur ultra terminum temperaturæ, ex eoque ruptura aliqua sequatur, ejus hominis ipsa mors erit *ridibunda*: licet alij ponunt causam in sepro transverso.

*Ble.* Libera jam est, & persolvit seni, quod ille cupierat.

*Ped.* Splen meus in largissimam latitudinem extenditur. Ha, ha, he.

*Dro.* Quid rides ità *Democritice*? Fugiant procul nimietates omnes à nobis. Requirit hoc gravitas non solum physica, sed & metaphysica.

*Ble.* Sed non potest jam tibi nubere: ægrotat enim.

*Ped.* Ægrotat? O *Æsculapi*, id mihi visus es dicere, *Abi citò & suspende te.* Nunc ego ægrotò.

*Ble.*

*Ble.* Ægrotat, inquam, gravitèr.

*Ped.* Ægroto (inquam) gravitèr.

Heu. hei.

*Dro.* Quid ploras Heracliticè evaporans voces non solum diversas, sed planè dissimilaneas, respectu Philosophiæ? Ægrotat fortasse illa ex desiderio quodam impetuoso tui.

*Ped.* Sic ego ægroto ex desiderio ejus quodam impetuoso.

*Ble.* Concrepuit jam ostium ab eâ; expectate parumper.

## *Actus Quintus. Scena*

*Sexta.*

TVSCIDILLA. PED. DROMODOTEVS.

CROBOLVS.

T. **M**E miserum! quid hoc portentum est? Virginem tenebulam perire tam subito, etiam instantibus nuptijs? Nonne monstri simile est?

*Ped.* Dromodote, Dromodote; aufer mihi

mihi hunc pugiunculum meum citò, ne meâ me manu occidam illicò. Lydia mortua est.

*Dro.* Si mortua est, est mortua. Mater mea etiâ mortua est: Quid tum postea? Iam cum cœteris animis separatis in galaxia seu via lactea cohabitat. Et licet fuistis vos duo Relativa actu (quorum est sese simul ponere & auferre, ut sublato uno tollatur etiâ alterum,) tamen ea proprietas relativorum de vocibus intelligi debet, non de rebus ipsis; itaque sublata jam conjuge, *maritus* etiam moritur, non autem *Pedantius*.

*Ped.* Nequicquam suades *Dromodote*: *Vita non pigrat, cum funus amatur?* id est, cum Amor funestus & funebris sit. Mihi ergo res ad restim redijt.

*Tus.* Moritura nihil ægre tulit, nisi quod animam non efflaret in sinu viri illius docti & incomparabilis.

*Cro.* At quisnam erat ille vir doctissimus, cujus tam crebrò tot cum suspirijs mentionem fecit?

*Ped.*

*Ped. Erat ego, (si ità loqui liceret)*  
 qui si tot haberem vitas, quot habuit  
 oculos Argus, (habuit autem centum  
 si credendum sit Ovidio) eas omnes  
 protinus tenebris darem Tartareis.

*Dro. Fateor annum hunc tibi verè*  
 climactericum fuisse, constellationem  
 revolutionemque fati malevolam: Sed  
 visne ista valere *ad destructionem*  
*subiecti?*

*Cro. Pedanti, occurris opportunè*  
 nobis, particeps dolorum omnium.  
 Hunc ad te misit Annulum Aureum  
 Lydia moriens, cui insculpitur *Cor sa-*  
*gittà transfixum*: scilicet tui in extre-  
 mis non oblita, Amoris erga te sui hunc  
 tradidit Testem fidelem; Quæ etiam  
 expirans Ipsa vitam tibi precata est  
 foelicissimam.

*Ped. O Clotho, Atropos, & tu fatum!*  
 (dictum quidem à *fando*, sed nefandum  
 fatum, cui irascor ex animo) ô fallacem  
 hominum spem, fragilemque fortunam!  
 Obruta est & merfa in mari mortis an-  
 tequàm me portum suum attigerat  
 Lydia



Lydia mea q, nam defunctam jam in hoc annulo tamen deosculabor prope tu.

Iam Cor mihi, non Amoris, sed Mortis sagittâ transfigitur, & dictum erit nulum de Venere, sed, *Mors mihi fors. Pa-*  
*ligratem Sannium* scribit meus Cicero fortunatum fuisse quia annulum (quem in mari amiserat) reperijt in ventriculo piscis sibi venditi: Ego vero omnium infelicissimus, qui meum Annulum reperiendo, me ipsum meamque animam perdiidi. Iam verè dicturus sum me amâsse perditè, quia Lydiam amittendo, ipse pereō Miser.

*Dro.* Amice Pedanti, non tu stultus, non tu animal irrationale? Videtur quod sic. Nam tu vir es cum virga actīvus, & fles tamen tanquam puer tuus sub virgâ passivus. Attende quid Philosophus dicit. Nihil generatur quin idem corrumpitur: & quicquid est in hac sublunari mundiali sphaera sicut habet *Esse in actū*, sic habet *non Esse in potentia*. Quapropter ego non magis miror istam à vita (quæ est terminus à quo) ad

ad mortem (quæ est terminus ad quem) pervenisse, quàm si quis vestrum ovum hic frangeret.

*Cro.* O sancte *Francisce*, (qui cœli *Sacellanus* es, & confiteris pro confidentibus) oro ut huiusce Virginis purissimam carnem ne sinas vel corrumpi fordibus, vel corrodi vermibus.

*Ped.* Lydia mea charissima, charissima inquam, cum respectu Amoris, tum respectu pretij etiam non parvi (charitas autem utrumque significat, quod docti sciunt) quæ in hoc minutulo animalculo tuo, in hoc pectusculo *Pedantiano* videbas, vigebas, virebas, ne mihi succenscas, obsecro, si vivam adhuc paulisper. Decrevi siquidem sepulchrum tibi & marmoream statuam ponere (sicut *Alexander* magnus in memoriam caballi sui *Bucephali*, urbem erexit) tum etiam tragœdiam conficere *De vitâ & obitu utriusq; nostrum*, eaque exhibet sub nomine tuo, ejusque tu eris matrona (cur non enim matrona, sicut patronus) nuncupabo autem, *LACHRYMAS MVSARVM.* *Dro.*

*Dro.* Imò Pedanti, quandiu imaginativa virtus tua vel de istâ, vel circa istâ, vel in istâ defixa est, tândiù anima sequitur temperaturam corporis.

*Tus.* Cum illa utinàm & ego perissem simul: plurimas ego virgines antehac, & non virgines docui mortem ut contemnerent: Vitam se dixit suam vili pendere, Te fata modò serueat incolumem.

*Ped.* Agrè quidèm maneo in vitâ (siquidem vita hæc potius dicenda sit quàm mors ipsa) mortem nemo quidèm bonus reformidat. Non est enim mors ijs terribilis, quorum vivit post funera virtus: sed (quoniàm illa sic voluit) utinàm possem Nestoreos in annos vivere, & utinàm certè, at non ad deponendum, sed ad confirmandum dolorem.

*Dro.* Hoc autèm simile est ei, quod scripsit Aristoteles Alexandro de libro Physicorum, editum eum esse, quasi non esset editus: sic tu vives quasi non viveres.

*Tus.*



*Ins.* Quin etiam noluit ut lugeres.

*Ped.* Nec lugeo: grauis sum, non mœstus: multùm hæc inter se differunt. Quid si vestram hanc gravissimam monasticam vitam profitear posthæc? Possum jeiunare, ut Philosophus ille, qui contemplationi deditus quotidie oblitus est prandij.

*Cro.* Illa iussit tria hæc proponere: mus tibi, vel ut aulam adires principis, velut longissimas regiones inviseres peregrinando: ut vel aliam ames, ducasque vxorem quamprimùm.

*Dro.* Imò quàmpostremùm. Nàm quandoquidẽ omne corpus constat ex superficiebus, & superficies ex lineis, & linea ex punctis; qui non vult corpus componi, cavere debet à punctis. Sic quoniam *Amor est punctum quoddam stultitiæ*, stultitiæ autem est quidditas, quantitas, dimensio, corpus etiam miseriæ, tu Pedanti, si nolis esse miser (adverte, non dico, non fœlix, sed prorsus, miser) Amores amove deinceps, præsertim cùm materia circa quam sublata



sublata jam sit, & (quia contraria successivè inesse debent in eodem susceptibili) sapientiæ & arti des operam, mecumque in Academiam revertare, ex qua tu postquam exijsti, non est ulla reperta res, qua suffulciatur *Ciceronians*.

*Ped.* Redeam? Non si me tota Academia vestra humeris suis reportaret. Ego hætenus in hoc Tusculano meo, & in negotio fui sine periculo, & in otio cum dignitate. Artes enim nobiscum & peregrinantur & rusticantur: de illis ac de me-ipso cum cogito, venit in mentem mihi, quod de Hannibale referunt historia: *Vincere scis Hannibal, uti victoriane scis*: sic illi in eligendo me prudentes erant, in dimittendo plus quam stolidi. Quod ad Lydiam spectat, cum ipsa sic monuerit, ne me macerem, mortem deinceps ejus non lachrymis sed lætitijs recolam, quod *Thracæ* olim solebant.

*Dro.* Nihil facere potes magis naturalitèr; nam natura nihil fecit frustra;  
Igitur

Igitur nec tu debes frustrà lugere eam quæ est irrecuperabilis. Præterea *non est deliberare de præteritis* : ut notat Philosophus in Ethicis. Postremò quod factum est infectum esse nequit, neque per Deorum potentiam, quod *Agatho* Philosophus pronuntiavit irrefragabilitèr, teste eodem Aristotele.

*Cro.* Maximè autèm monuit illa, ut obicurum hoc deferas rus, proculque hinc abeas, ne continuo tibi ejus memorià mærores novos afferat.

*Ped.* Sapientissimè fanè suadet. Oculi enim augent dolorem. Sic itaque statuo. Proficiscar illicò hinc aliquò remotissimas in oras, tanquàm *Vlysses* aliquis, *Qui morès hominum multorum vidit, & urbes.* Nec quisquam hinc me unquàm post hunc diem visurus est denuò.

*Cro.* Ego nunc intus eo, ut *Lydiam* ad nuptias, epulas ad cœnam parem : nam iste quamprimum abcesserit hinc, nuptiæ conficientur illicò.

*Ped.*

*Ped.* Vale mortua, *Longum* (adverbium) longum formosa vale Lydia, vale Venus, vale Amor, vosque (circumstantiæ factorum illorum) locus & tempus valete: vale Dromodote, vale Franciscane. Vale vicina Academia. O fœlicem illam Academiam, quæ Pedantium receperit, miseram illam, quæ amiserit.

*Exii.*

*Dro.* Salve Philosophia, salve *Saturne* fons melancholiæ, salve subtilitas, salve distinctiva contemplatio. Iam ego ad studia mea redeo tanquam lapis ad universi centrum recurrens naturaliter.

*Exit.*

*Cro.* Vale *Franciscane*, salve *Crobole*: Vale Dromodote, salve tu ipse Ego mortalium fortunatissime. Vale Pedanti, salve rediviva Lydia. Salva jam omnis res est, & ego valeo, ut volui, Sponsus lætissimus. Vos spectatores salvete simul & valete: qui doletis verbi-vendulum hunc illusum, plangite, qui gaudetis meum gaudium, mecum jam Plaudite.

*FINIS.*

I  
I  
C  
d  
1  
Fabulam Lecturo.

*Festinans Canis (Leporarius) hos cæcos  
peperit Catulos, sc.*

Erratula corrigenda.

*Pag. 5. lin. ult. (lege) Here. p. 21. l. 10. Sodales. p. 22. l. 21.  
Agē. p. 23. l. 11. potes. p. 24. l. ult. passionem. p. 40. l. 8. Dæ-  
mones p. 41. l. 16. irretitos. p. 86. l. 13. ergo p. 88. l.  
21. promotus p. 131. l. 17. non inultum.*

Si prætereà in Heterographiam alicubi  
impingas, *Pedantio* deputandum: ubi ad  
Punctula offendis, *Dromodotus* luat: Leviora  
nedum *Parillo* condonanda, cui Exemplaris  
hujusce exscriptionem debemus & agnos-  
cimus.

— *Veniam pro laude.* —



REPRODUCED FROM THE COPY IN THE  
**HENRY E. HUNTINGTON LIBRARY**

---

FOR REFERENCE ONLY. NOT FOR REPRODUCTION